



二百四十七人共二百四十八人七二百四

加
427
113

類函 百十三





新定圖書

此係明治八年八月
卅一月廿八日
由諸君購以贈
所購以贈

早稻田圖書

淵鑑類函卷二百四十七

人部六

妒婦 後妻

寡婦

喪妻

妒婦一

增詩曰螽斯羽詵詵子宜爾子孫振振子注言后妃不
 妒忌而子孫衆多也 又曰南有樛木葛藟纍之樂只
 君子福履綏之注后妃能逮下而無嫉妒之心故衆妾
 稱願之 詩箋曰以色曰妒以行曰忌 史記曰女無
 美惡入宮見妒 又曰好女人室惡女之仇 戰國策
 曰婦人之所以事夫者色也而妒者其情也 山海經
 曰太室山有木葉如黎而赤理其名曰帝休服之不妒

妒婦二

原左傳曰叔向之母妒叔虎之母美而不使見叔向諫其母曰深山大澤實生龍蛇彼美余懼其生龍蛇以禍汝我何愛焉使往侍寢生叔虎漢書曰陳后寵衰如甚令巫祭祀以迴上意又曰呂氏妒戚夫人髡鉗赭衣使舂又斷手足去目燠耳飲瘖藥名曰人羸又曰廣川王去嘗有疾姬陽成昭信侍視甚謹去愛之立為后又有幸姬陶望卿為修靡夫人主繒帛昭信譖望卿曰與我無禮衣服常鮮於我畫工畫望卿舍望卿袒裼傅粉其傍又數出入南戶窺郎吏疑有姦去曰伺之益

不愛望卿昭信知去怒誣言望卿歷指郎吏臥處具知其主名去即與昭信從諸姬至望卿室羸其身更擊之令諸姬各持燒鐵共灼之望卿自投井死昭信出之椽杙陰中割其鼻脣斷其舌支解置大鑊中取桃灰毒藥并煮之令諸姬觀糜盡乃止魏志曰馮方女美袁術納焉甚寵幸諸妾害其寵因共殺而懸之言其自縊又曰袁紹婦劉氏甚妒紹死未殯寵妾五人劉盡殺之又毀其形其少子尚又盡滅死妾家焉王隱晉書曰賈充妻郭產子黎民三歲乳母抱向閣充入就乳母手中戲之郭遙望見疑充即鞭乳母殺之兒思乳母而死

人部

妒婦

如婦

郭又生一男乳母抱在中庭充過拈頰郭又疑復殺乳
母男又死 郭子曰孫秀妻崩嘗妒罵秀為谿子秀大
不平遂出不復入詳赦宥 妒記曰王丞相曹夫人性甚
忌禁制丞相不得有侍御時有妍少必加誚責王公不
能久堪乃密營別館衆妾羅列男女成行後元會日夫
人于青疏中觀望忽見兩三小兒騎羊皆端正夫人語
婢云汝出問此是誰家兒給使不達言乃云此是第四
五等諸郎曹氏驚恚不能自忍乃命駕車將黃門及婢
二十人持食刀欲自出尋討王公亦飛轡出門猶患遲
乃以左手攀車欄右手提麈尾以柄打牛狼狽奔馳方

得先至蔡司徒聞之乃謂王曰朝廷欲加九錫公知否
王以為信自敘謙志蔡曰不聞加餘物惟聞短轅犢車
長柄麈尾耳王大羞慙 又曰謝太傅劉夫人不令公
有別房公既深好聲樂後遂頗欲立妓妾兄子外生等
微達此旨共問訊劉夫人因方便稱關雎螽斯有不忘
之德夫人知以諷已乃問誰撰此詩答云周公夫人曰
周公是男子相為爾若使周姥撰詩當無此也 又曰
諸葛元直妻劉氏大妒忌恒與元直杖不勝痛纔得一
兩仍以手模婦誤打指節腫從此作制每與杖輒令兩
手各捉總跗元直遇見婦捉總跗欲成衣謂當與已杖

人部

婦

如婦

失色怖婦曰不也捉此自欲成衣耳乃欣然世說曰桓司馬以李勢女為妾南郡主拔刀率婢數十人往李所因欲砍之見李在牕前梳頭髮垂委地姿貌絕麗乃徐下地結髮斂手向主曰國破家亡無心以至今日若能見殺猶生之年神色閒正辭言悽惋主乃擲刀抱之曰我見猶憐何況老奴典論曰上洛都尉王琰以功封其妻哭于家為琰富貴更娶妾故也馮敬通集曰敬通有一婢妻任酷妒之擊婢無所不至敬通乃棄遣之因與婦弟任武達書曰不去此婦則家不寧不去此婦則福不生不去此婦則身不榮不去此婦則事不成

吾歎奇命薄端相遭逢

增山堂肆考曰晉武帝太原

中詔選良家以充後宮使楊后選所取后性妒不取端正美好惟取長白卞藩女有美色帝舉扇障面語后曰卞氏佳后曰藩三世后族不宜枉以卑位帝乃止世說曰謝公夫人幃諸婢使在前作伎使太傅暫見便下幃太傅索更開夫人云恐傷盛德本事詩曰韋庶人頗襲武氏之風軌中宗漸畏之內宴唱迴波詞有優人唱迴波詞曰迴波爾是栲栳怕婦也是大好外邊祇有裴談內裏無過李老韋后意色自得以求帛賜之天中記曰今婦人面飾用花子起自上官昭容所製以掩

點跡大曆以前士大夫妻多如悍者婢妾稍不如輒印面故有月點錢點

妒婦三

原道 苦 種妒 夫婦之道苦謂不至不答 晉書武

少 被傷 告絕 帝欲為太子納妃帝曰賈氏之種妒而

去職不許劉媿曰約新荷殊寵當敬以直內而患生

鄭氏如怨懟與魏書告絕帝不罪又曰謝邀字茂度妻

之辭疑其門生仇元達為之遂斥元達 **鬻髮頭**

劉鼻 魏志袁紹妻劉氏性酷如給于地下乃鬻髮其寵妾五

毀其形 朝野僉載宜城公主下嫁裴與與有髮殊

主怒 劉鼻 斷髮 帝怒 斥公主 為縣主 駙馬 左遷

怒斫桃花 命賣阜茨 妒忌家有桃樹一株花葉灼耀

宣歙美之即便大怒令奴取刀斫樹摧折其花 宋書

豫章內史劉休妻王氏妒帝聞之賜休勅與王氏二十

杖今休于宅後開小店命王 龍騰井上 獅吼河東

氏親賣阜茨婦帝以辱之 龍騰井上 獅吼河東

南史梁郁皇后酷妒及終化為龍入于後宮通夢于帝

或見形光彩照灼帝體將不安龍輒激水騰涌于露井

上為殿衣服委積常置銀鹿盧金餅灌百味以祀之故

帝卒不置后 東坡居士黃岡與陳季常游季常自以飽

參禪學其妻柳氏悍客至或聞詬罵聲披詩戲之曰誰

似龍丘居士賢談空說有夜不眠詬罵聲披詩戲之曰誰

杖落手 見圖愈疾 誦賦沉身 齊書劉瓊甚篤王為

明帝所誅妃追傷成疾 誦賦沉身 齊書劉瓊甚篤王為

王與寵姬共照鏡狀如欲偶寢密使姬姆示妃情畫都陽

之罵曰故宜早死于是恩情即歇疾亦徐差 雜俎晉

太始中劉伯玉妻段氏性妒忌伯玉嘗于妻前誦洛神

賦語其妻曰段婦得如此吾無憾焉妻曰吾死何愁不

為水神其夜乃自沉于津而死七日託夢伯玉曰君本

願神吾今為神矣伯玉寤而畏之遂終身不渡此水婦

人部 妒婦

醜婦雖妝飾而神亦不如也又并州孝標三同文

壽陽縣有如女廟蓋介之推妹也

穆四畏兒女自操井白劉孝標云子與敬通有三同不

遇家道坎柯三同也馮有忌妻自操井曰子亦有忌

妻為一品不置姬侍欲置左右人竟不可得宅後作堂

名三畏楊文公戲之曰可改作右人竟不可得宅後作堂

夫人推婢入墓賜姬出宮晉書于寶字令升父乃推

人入墓中經十年母亡開墓婢伏棺上如生載還經日

乃蘇言寶父常取飲食與之家中復生子寶嘗作無鬼

校悉驗地中亦不覺惡既而嫁之復生子寶嘗作無鬼

論至是始悟幽冥之理作搜神記三十卷唐莊宗有

愛姬生子后患之一日元行欽侍上側上問曰爾新喪

婦復娶乎吾助爾聘后即指愛姬請曰帝憐行欽何不

賜之上不得已陽諾之后趣行欽拜謝行欽再拜起

顧姬有輿出宮矣莊宗不樂稱疾不自得者累日

銀盆綵緞高髻濃妝雜組房孀復妻崔氏性忌左右婢不

得高髻濃妝雜組房孀復妻崔氏性忌左右婢不

汝及乃刺其眉以青填之燒鎖梁灼其兩眼角以朱傅

癩如妝焉

如婦四

增后妒玉人拾遺記蜀先主以玉人置

帝平齊獲侍兒十餘輩頗娛于目為鄰后所察動止皆

賜為膳可成疾左右識其情者進曰臣讀山海經以

鷓鴣為膳帝從之鄰茹膳妒減半下坐慢出妓柳惛性

愛音樂而畏憚其婦女妓精麗者略不敢仰視僕射張

稷與惛狎而為惛妻賞敬稷精麗者略不敢仰視僕射張

見妓常因稷請奏樂其妻留目

坐妓然後敢出惛因得留目

金瓶賜酒唐朝野劍載

人部

增后妒玉人拾遺記蜀先主以玉人置

帝平齊獲侍兒十餘輩頗娛于目為鄰后所察動止皆

賜為膳可成疾左右識其情者進曰臣讀山海經以

鷓鴣為膳帝從之鄰茹膳妒減半下坐慢出妓柳惛性

愛音樂而畏憚其婦女妓精麗者略不敢仰視僕射張

稷與惛狎而為惛妻賞敬稷精麗者略不敢仰視僕射張

尚書任瓌勅賜二女皆國色妻妒爛二女頭髮盡太
宗聞之賜金瓶酒云飲之立死不妒即不須飲柳氏拜
勅曰妾與瓌俱出微賤相與輔翼遂致榮宦今多内嬖
誠不如死乃飲盡然非鴆也睡醒帝曰人不畏死朕亦
畏之因詔二
女別宅安置
稱臙脂虎
陸慎言妻沉慘狡妒
吏民稱曰臙脂虎

妒婦五

原詩魏陳王曹植詩曰嗟爾同衾曾勿是志寧彼冶容
安此妒忌 唐李白玉壺吟曰西施宜笑復宜顰醜女
效之徒累身君王雖愛蛾眉好無奈宮中妒殺人 又
怨歌行曰薦枕嬌夕月卷衣戀春風寧知趙飛燕奪寵
恨無窮 宋蘇軾書孫公素扇詩曰披扇當年笑温嶠
握刀晚歲戰劉郎不須戚戚如馮衍但與時時說李陽

原賦梁張纘妒婦賦曰惟婦怨之無極羌于何而弗有
或造端以構末皆莠言之在口常因情以起恨每傳聲
而妄受乍隔帳而窺屏或覘牕而瞰牖若夫室怒小憾
反目私言不忍細忿皆成大冤閨房之所隱私牀第之
所討論或一朝之發洩滿四海之囂喧忽有逆其妒鱗
犯其忌制赴湯蹈火瞋目攘袂或棄產而焚家或投兒
而害壻

寡婦一

書曰惠鮮矜寡 禮記曰寡婦不夜哭 家語曰昔
東彝之子慕諸夏之禮有女而早寡為内私壻終身不

人部

寡婦

嫁嫁則不嫁矣亦非清節之義也 列子曰思女不夫而死 淮南子曰以養孤孀

寡婦二

增家語曰魯人有獨處室者鄰之嫠婦亦獨處一室夜暴風雨至嫠婦室壞趨而託焉魯人閉戶不納婦自牖與之言曰子何不仁而不納我乎子不如柳下惠矣魯人曰柳下惠則可吾固不可吾將以吾之不可學柳下惠之可孔子聞之曰善哉欲學柳下惠未有似于此者左傳曰齊棠公之妻東郭偃之姊棠公死偃御崔子弔見其美使偃娶之偃曰同宗也君出自丁我自桓

又筮之不吉崔子曰嫠也何害前夫當之矣 又曰聲伯之母不聘穆姜曰吾不以妾為姒生聲伯而出之嫁于齊管于奚生二子而寡以歸聲伯聲伯以其外弟為大夫而嫁其外妹于施孝叔卻犖來聘求婦于聲伯奪施氏婦以與之婦曰鳥獸猶不失伉儷子將若何曰吾不能死亡婦人遂行生二子于郤氏郤氏亡歸二子于施氏施氏逆諸河沉其二子婦人怒曰已不能庇其伉儷而亡之又不能字人之孤而殺之將何以終遂誓施氏 又曰嫠不恤緯而憂宗周之亡 列子曰愚公謀乎太行之險京城之孀婦有男往助之

寡婦三

原 漆竹

遺穗

湘川記舜巡狩蒼梧而崩二妃不從以

種此有滯穗

共牢

同穴 禮一與之齊終身不改故

伊寡婦之利

報讎

夫死從子齊謂共牢而食

則同穴

黃鵠歌

其妻注柏舟共姜自誓也共伯早死

弗許故作是詩

黃鵠歌

其妻注柏舟共姜自誓也共伯早死

死守義作黃鵠

雙鬢初合

便分離萬里征夫不肯隨今

寡婦船

張籍詩

身獨沒去時鞍馬別人騎范文正公

鎮越民曹孫居

中卒子幼

家貧公助俸錢百緡治巨舟

差老衙校送歸

作詩一絕

戒其吏曰過關津但以吾詩

示之詩云十口

相持泛巨川

來時煥熱去

淒然關津若要

知名便孤兒寡婦

船一男五歲長卿

屍還陰氏

漢書劉長卿

妻桓鸞女生一乃刑其耳自

卒遠嫌不歸

寧男十五而夭

乃刑其耳自

誓宗婦愍之曰

若家無他意

何貴義輕身曰先君五更

情沛相王吉上

奏題其門號曰

辭侯郊弔為夫稽

頽義桓發下陰

喻妻事見前

謳歌醉宿永日經

年漢書陳遵字

孟公為河南太守

弟級為荊州牧當之

陳官俱過長安

富人故淮王外家

左氏飲食作樂司直

宿免歸陳子昂

詩孀居永日蓬

首終年家專丹穴

躬建墓碑

漢書巴寡婦清

其先得丹穴而擅其利者

敢犯始皇以爲

貞婦而客之爲

築女懷清臺劉禹錫

史僕射墓碑史

孝章妻博陵崔

氏僕射之喪自歿至葬

常門戶備祭祀

建碑

表皆崔氏之能也

原 天窮

禮老而無夫謂之寡此

晝哭

禮記穆伯之喪

天民之窮而無告也

晝哭

敬姜晝哭孔子

禮記

穆伯之喪

敬姜晝哭孔子

禮記

穆伯之喪

敬姜晝哭孔子

禮記

穆伯之喪

敬姜晝哭孔子

禮記

穆伯之喪

敬姜晝哭孔子

禮也 曰知 不夜哭 禮寡婦 未亡人 寡婦自謂 城崩 琴
祀梁死其妻無子乃求夫尸于城下哭 孤鸞舞鏡 文
之道路聞之者皆揮淚十日而城崩 類聚孤鸞念其 雄見鏡而舞

寡婦五

原詩 魏文帝寡婦詩曰友人阮元瑜早亡傷其妻孤寡
為作此詩霜露紛予交下木葉落予萋萋候鴈叫予雲
中歸燕翻予徘徊妾心感予惆悵白日急予西顧守長
夜予思君魂一夕予九垂悵延佇予仰視星月隨予天
迴徒引領予入房竊自憐兮孤棲願從君子終沒愁何
可兮久懷 **增** 衛敬瑜妻孤燕詩曰昔年無偶去今春

猶獨歸故人恩義重不忍更雙飛 張說詩曰綠流茂
滋萍羅是依山崩川竭魚鳥何歸

增 魯陶嬰黃鵠歌曰黃鵠早寡子七年不雙宛頸獨
宿子想其故雄其命早寡子獨宿何傷念此寡婦子泣
下數行死者不可忘飛鳥尚然子況于貞良雖有賢雄
子終不重行

原賦 魏文帝寡婦賦曰陳留阮元瑜早亡每感存其遺
孤未嘗不愴然傷心故作是賦惟生民子艱危在孤寡
兮常悲人皆處子歡樂我獨怨兮無依撫遺孤子太息
俛哀傷子告誰三辰周子遞照寒暑運子代臻歷夏日

人部

寡婦

予苦長涉秋夜予漫漫微霜隕兮集庭燕雀飛兮吾前
去秋兮就冬改節兮時寒水凝兮成冰雪落兮翻翻傷
薄命兮寡獨內惆悵兮自憐 王粲寡婦賦曰闔門兮
却掃幽處兮高堂提孤孩子出戶與之步兮東廂顧左
右兮相憐意悽愴兮摧傷觀草木予敷榮感傾葉兮落
時人皆懷兮歡豫我獨感兮不怡日掩曖兮不昏明月
皎兮揚暉坐幽室兮無為登空牀兮下幃涕流連兮交
頸心懣結兮增悲 丁廙妻寡婦賦曰惟女子之有行
固歷代之彝倫辭父母而言歸奉君子之清塵如懸蘿
之附松似浮萍之託津何性命之不造遭世路之險迤

榮華暉其始茂所恃奄其徂泯靜閉門以却掃魂孤擘
以窮居刷朱扉以白堊易元帳以素幃含慘悴以何訴
抱弱子以自慰時翳翳以東陰日壘壘以西墜雞斂翼
以登樓雀分散以赴肆還空牀以下幃拂衾褥以安寐
想逝者之有憑因宵夜之髣髴痛存歿之異路終窈漠
而不至時荏苒而不留將遷靈以大行駕龍輻於門側
設祖祭於前廊彼生離其猶難矧永絕而不傷自銜恤
而在疚履水冬之四節風蕭蕭而增勁寒凜凜而彌切
霜悽悽而夜降水濼濼而晨結瞻靈宇之空虛悲屏幌
之徒設仰皇天而歎息腸一日而九結惟人生於世上

若馳驥之過櫺計先後其何幾亦同歸于幽冥 晉潘岳寡婦賦曰樂安任子咸者予少而歡焉不幸弱冠而終其妻又吾姨也故作斯賦伊女子之有行爰奉嬪于高族承慶雲之光覆荷君子之恩渥奉蒸嘗以效順供灑埽以彌載榮華曄其始茂良人忽以捐背愁煩冤其誰告提孤孩以坐側時曖曖而向昏日杳杳而西匿雀羣飛而赴楹雞登棲而斂翼歸空館而自憐撫衾幃以歎息耳傾想於疇昔日髣髴乎平素雖冥冥而罔覲猶依依以憑附自仲秋而在夜踰履霜以踐冰雪霏霏而驟落風瀏瀏而風興意恍惚以遷越神一夕而九升庶

浸遠而哀降情惻惻而彌甚願假夢以通靈目炯炯而不寢夜漫漫以悠悠寒悽悽以凜凜氣憤薄而乘霄涕交橫而流枕重曰仰皇天兮歎息私自憐兮何極省微躬兮孤弱顧穉子兮未識如涉川兮無津若陵虛兮失翼

喪妻一

禮記曰為妻喪父母在不杖不稽顙

喪妻二

南史曰宋何尚之立身簡約車服率素妻亡不娶又

無姬妾 北史曰李象述子也清簡有風槩博涉羣書

從容樸素有名于時喪妻無子終竟不娶論者非之

舊唐書曰丁公著字平子蘇州吳郡人清儉守道每得

一官未嘗不憂色滿容年四十四喪室以至終身無妓

妾聲色之好

喪妻三

原鼓盆 舞鏡 莊子妻死惠子弔之乃鼓盆而歌 行志

傷神 後漢書符融貧妻亡無以殯斂鄉人欲為備棺

行其志但即土埋藏而已 世說荀奉倩妻曹氏有艷

色妻嘗病熱奉倩恒以冷身覆之妻亡人弔不哭而傷

神未幾奉 失儷 悼亡 潘岳有悼亡詩 歎難得

復何恨 晉書荀 張璠漢記山陽太守薛勤喪妻不哭

倚戶觀化 並杖蒙譏 莊子與諸子

孫楚為詩 梁龕宴客 祥服乃為詩以悼

文覽之 武子武子見其文曰未知文生于情情生于

當除婦服今夕請客及妓水相長史周顛等三十人同

會司直劉魏奏曰夫嫡長妻皆杖暮宴朝祥慢服之

有喪吉會非禮宜奪奉 孫權勸婚 楊秉不

娶 聞而志孫承字仲 喪妻一月 孫權勸婚 楊秉不

葬玉埋香 經案 度使王承儉築城獲瓦棺

中有深葬玉埋香 經案 度使王承儉築城獲瓦棺

禪誦為事妻亡不再娶三十年 唐書王維退朝之後以

屏絕塵累室中茶鐺藥臼經案繩牀而已 自比曾參

人部 淵鑑類函卷二百四十七

喪妻

獨哀賢后

南齊書徐伯珍舉動有禮過曲木之下趨

書長孫后薨太宗曰內失

雜俎江准王生善卜有賈客張贍將歸夢炊曰中問王

韓愈文侍御武君當年喪其配斂其衣服櫛瑯已卒

宗正之命却昆弟之情尚吳志陳化字元耀汝南人為

鑒乃不復娶孫權聞而賢之以其年壯勅宗正妻以宗

室女化固辭權不違其志後漢書朱暉年五十失妻

希不以後妻娶家者遂不復娶帷軒夕改輶輅景

遷靈衣虛襲組帳空烟巾見餘軸匣有遺絃

俱宋謝莊美玉褫顏明珠晦色張燕葉飄辭樹

殷貴妃誄郎文鏡下窈臺衣緘全筒葉飄辭樹

雲斷別根

白侍郎文鏡下窈臺衣緘全筒

喪妻四

原無告

私喪禮私喪

曾參不更娶

韓詩外傳曾參

問之曰以

犯禾葬

日請庚之子葬妻犯人之禾申祥以告

華元善也

王駿不再娶

漢書王駿妻死不再娶或問之

後難繼也

不行服

後漢書陳蕃喪妻還葬鄉里人畢至唯

敢再

豈違心

魏志管寧妻卒知故勸再娶寧曰每省

不可

不御肉

晉書劉實字子真喪妻為廬杖之制

之喪

潘岳誄揚仲武曰德

曾哀篤誓妻蘇東坡集劉

議娶既第而妻替卒娶之後

哀篤誓妻

蘇東坡集劉

愛何從不肯復娶

問之曰

哀篤誓妻

生愛緣愛而生哀色

哀色

哀色

人部

哀色

哀色

哀色

哀色

哀色

哀色

哀色

哀色

哀色

哀色

哀色

喪妻五

原詩晉潘岳悼亡詩曰皎皎牕中月照我室南端清商
應秋至溽暑隨節闌凜凜涼風升始覺夏衾單豈曰無
重續誰與同歲寒歲寒無與同朗月何朧朧展轉眄枕
席長簟竟牀空牀空委清塵室虛來悲風露曾安能已
悲懷從中起寢興目存形遺音猶在耳 又曰荏苒冬
春謝寒暑忽流易之子歸窮泉重壤永幽隔望虛思其
人入室想所歷帷屏無髮髻翰墨有餘跡流芳未及歇
遺挂猶在壁悵恍如或存迴遑忡驚惕如彼翰林鳥雙
飛一朝隻如彼游川魚比目中路析 梁江淹悼室人

詩曰佳人永慕矣隱憂遂歷茲寶燭夜無華金鏡晝恒
微桐葉生綠水霧天流碧滋蕙弱芳未空蘭深鳥思時
湘醺徒有酌意塞不能持 又曰秋至擣羅紈淚滿未
能開風光肅入戶月華為誰來結眉向珠網瀝思視青
苔鬢局將成葆帶減不須摧我心若涵煙蓋蓋滿中懷
又曰牕塵歲時阻閨蕪日夜深流黃夕不織寧聞梭
杼音涼藹漂虛座清香盪空琴蜻引知寂寥蟻飛測幽
陰乃抱生死悼豈伊離別心 **唐**白居易悼亡詩曰
半死梧桐老病身重泉一念一傷神手攜襍子夜歸院
月冷空房不見人 又感月悲逝者詩曰存亡感月一

潛然月色今宵似往年何處曾經同望月櫻桃樹下畫
堂前 又舊房詩曰隔壁秋聲蟲絡絲入簷新影月低
眉牀帷半故簾旌斷仍是秋寒欲夜時

原賦晉潘岳悼亡賦曰伊良嬪之初降幾二紀以迄茲
遭兩門之不造備荼苦而嘗之嬰生艱之至極又薄命
而早終含芬華之芳烈翩零落而從風神飄忽而不返
形焉得而久安襲時服於遺質表鉛華於餘顏問筮賓
之何期宵過分而參闌詎幾時而見之日眷戀以相屬
聽轍人之唱籌來聲叫以連續聞冬夜之恒長何此夕
之一促且伉儷之好合垂明哲乎嘉禮苟此義之不謬

乃全身之半體吾聞喪禮之在妻謂制重而哀輕既履
冰而知寒吾今信其緣情夕既昏今朝既清延爾族兮
臨後庭入空室兮望靈座帷飄飄兮燈熒熒燈熒熒兮
如故帷飄飄兮若存物未改兮人已化饋生塵兮酒停
樽春風兮泮冰初陽兮戒溫逝遥遥兮浸遠嗟犖犖兮
孤魂 **唐**劉禹錫傷往賦曰我今怨夫若人兮曾旭
旦而潛暉飄零偏反之萼倏忽蜉蝣之衣川走下而不
還露迎陽而易晞恩已甚矣難絕見無期兮永思我行
其野農民桑者舉案來盥亦在林下我觀于途禪敗之
夫同荷均挈荆釵布襦羽毛之蕃鱗介之微和鳴灌叢

雙泳漣漪薨薨伊蟲蠢蠢伊多游空亢深兩兩相比何
動類之萬殊必雌雄之與俱物莫失儷以孤處我方踽
踽而焉如 我入寢宮痛人亡兮物改其容寶瑟僵兮
絃柱絕瑤臺傾兮鏡奩空空爐委灰虛幌多風隙駒晨
轉牕蟾夜通步搖昏兮網黏翡翠芳褥掩兮塵化蛭蚤
閱刀尺之餘澤見巾箱之故封玩服儷兮猶具繁華謝
兮焉從想翩翩于是非求僊宰與宜蒙信奇術之可致
嗟此生之不逢徒注視以寂聽恍神疲而目窮還抱影
以獨出紛有哀而攻中

原辭晉潘岳哀永逝辭曰逝日長兮生年淺憂患衆兮

歡樂渺悵悵兮遲遲遵古路兮言歸思其人兮已滅覽
餘迹兮未夷昔同途兮今異世憶舊歡兮增新悲謂原
隰兮無畔謂川流兮無岸視天日兮蒼茫面邑里兮蕭
散匪外物兮或改固歡哀兮情換歸反哭兮殯宮聲有
止兮哀無終既顧瞻兮冢道長寄心兮爾躬

又

傷春辭曰晝出門而不敢歸兮畏空室之漫漫忽
入門而欲語兮嗟猶憶其尚存役魂魄于宵夢兮追髣
髴而無緣訪臨邛之道士兮從稠桑之老人縱不得而
復見兮恐荒忽而非真

後妻一

人部

喪妻 後妻

原蒸黎出婦

撮蜂譖子

曾參武城人後母遇之無道

非七出也。答曰：蒸黎，小物，不用。吾命，況大事。遂遣之。曰：此身不娶，其子請焉。告之曰：高宗以後，婦出，考已。尹吉甫，以後，妻嫉，伯奇，知其得免，非乎。琴操，尹吉甫，子伯奇，有邪心，吉甫，更娶，後妻，乃譖之。吉甫，曰：伯奇，見妾，美欲，君登樓，察之，妻乃取毒，蜂綴衣，領也。妻曰：置妾，空房中，感之。宣王曰：此放子之辭也。吉甫，感悟，遂射殺其妻。

子死棄市。吏按免官。晉書：安帝時，郭逸妻，以夫竹杖，如常刑。後漢書：龐參，為太尉，夫人疾，前妻，子死，妻因棄市，中殺之。參，後漢書：龐參，為太尉，夫人疾，前妻，子死，妻因棄市，策免。先娶孫氏，早亡，瘞于黎陽。及袁薨，議者以久喪難，舉欲不合葬。曹氏曰：孫是元如，理宜從葬。豈可使孤魂無所依邪。于是遂備儀迎之。具衣衾，几筵，親執鴈行之禮。聞者莫不歎息。新唐書：竇懷貞，中宗夜宴，近臣謂

鴈行執禮。翟衣出嫁。晉書：列女傳：鄭衰，翟衣出嫁。妻曹氏，魯國薛人。

曰：聞卿喪妻，今欲繼室，可乎。懷貞唯唯。俄而禁中寶扇，郭衛有衣，翟衣出者，乃韋后乳媪王所謂。莒國夫人者，故繼婢也。懷貞納之，不辭。世謂媪塔為阿翁，懷貞每謁，見奏請，輒自署皇后阿翁，而人或謂為國翁。懷貞軒然，不慚。以自署皇后阿翁，而人或謂為國翁。懷貞軒然，媚于后。以為繼室。遂遣後妻。唐書：許敬宗，雙姓，虞德，李德武，坐事貶嶺南。妻裴氏，嫁方踰年，父矩，表離，婚德武，未還。矩決欲嫁之。夫天也，可背乎。願死，無他。後十年，嶺南娶爾朱氏，赦還。聞其守節，遂遣後妻。復為夫婦。

後妻二

原繼室

左傳：臧宣叔娶于鑄，生賈及蔣。工織，故人。閔子單，閔子騫兄弟二人，母喪，父更娶，復有

工織，古詩：新

衣其單，歸持後妻兒，子騫，為父御車，失繼父持其手。之子，騫曰：母在一，子單，母去，四子，寒父，默然。薛包，出，漢書：薛包，字孟嘗，母喪，以至孝聞。尹氏不言。涼武

後妻妾

昭王李元盛后尹氏初適扶風馬元元卒為元盛繼室以再醮故三年不言撫前妻子如已所生

妾一

禮說文曰妾之言接也聞彼有禮走而往焉以得接見於君子也 又曰有臯女子給事之得接於君者左傳女為人妾妾不聘也 彙苑曰妾接也言得接見君子而不得伉儷也 師古曰姬者本國之姓貴于諸國之女故婦人美號皆稱姬焉後因總謂眾妾曰姬 毛詩曰嘒彼小星三五在東肅肅宵征夙夜在公寔命不同 又曰綠兮衣兮綠衣黃裏心之憂矣曷維其已 又曰有鶯在梁有鶴在林維彼碩人寔勞我心 禮記曰

妾雖老年未滿五十必與五日之御雖婢妾衣服飲食必後長者 又曰妾有子而為之總 又曰買妾不知其姓則卜之 又曰聘則為妻奔則為妾 左傳曰卿置側室 晏子曰內寵之妾肆奪于市 六帖曰官女也 彙苑曰庶人孽妾

妾二

禮左傳曰公子荆之母嬖將以為夫人使宗人釁夏獻其禮對曰無之公怒曰女為宗司立夫人國之大禮也何故無之對曰周公及武公娶于薛孝惠娶于商自桓以下娶于齊此禮也則有若以妾為夫人則固無其禮

也公卒立之而以子荆為太子國人始惡之 又曰蓬
氏之女為僖子副妾故納泉丘之女以副助之 又曰
齊侯多內寵內嬖如夫人者六人 列子曰鄭公孫穆
後庭比房數十皆擇稚齒姣媚者以居之 漢書張蒼
妻妾以百數嘗孕者不復幸 趙飛燕外傳曰伶元之
妾樊通德趙飛燕女使也能道飛燕姊妹事元曰其人
俱灰滅矣盛時疲精神逞嗜慾寧知終歸荒田野草乎
通德掩袖視燭影以手擁髻淒然泣下元因作飛燕外
傳 西陽雜俎寺塔記曰王縉為相為妾造寶應寺宏
麗無比今寺中什梵天女悉韓幹為齊公妓小小等寫

真也 舊唐書曰大曆中崔寧代杜鴻漸為節度使寧
入朝以弟寬守成都楊子琳以精騎數千突入成都據
城守之寧妾任氏魁偉果幹出其家財十萬募勇士得
千人設隊伍將校手自麾兵以逼子琳子琳懼遁去
外史檇杙曰潘炕與弟峭同為蜀王建掌機衡號大樞
小樞炕嬖美妾解愁遂風恙成疾解愁姓趙氏母夢吞
海棠花蕊而生有國色善為新聲及工小詩建至炕第
見之意欲取炕曰臣下賤之人不敢以薦于君其寔靳
之 龍川志曰真宗臨御中外無虞或勸以聲伎自樂
王文正且性儉約初無姬侍其家以二直官治錢上使

內東門司呼二人者責限為相公買妾仍賜金三千兩
二人歸以告公公不樂然難逆上旨遂聽之 別錄曰
韓魏公至相府時家有女樂二十餘輩及崔夫人亡一
日盡遣之同列多勸且留以為暮年歡公曰所樂能幾
何而常令人心勞孰若吾簡靜之樂也 山堂肆考曰
宋韓康公上元召從官數人出家姬侍飲其專寵者曰
魯生偶中降螿少頃持扇就蘇東坡乞詩坡詩中有魚
吹細浪歌搖日舞罷花枝蜂入懷之句上句記姓下句
記事 合璧事類曰宋子京出知成都帶唐書于任所
刪修每宴罷開寢門垂簾燃二椽燭媵婢夾侍和墨伸

紙近觀者皆知其修唐書望之如神仙多內寵宴錦江
偶微寒命取半臂諸妾各送一枚凡二十餘枚子京恐
有厚薄之嫌不敢服忍冷而歸

妾三

原當夕

問辰

禮記妻不在妾御莫敢當夕謂進御於君又口妾將生子及月辰夫使人日

諸候也

衣帛

織蒲

國語季孫相魯無衣帛之妾織蒲

增列屋

韓文曲眉豐頰清聲而便體秀外而惠中飄輕

而取憐

綠珠

碧玉

木傳姓梁白州博白縣人雙

真珠一斛買之孫秀使人求之不與秀怒于趙王倫收
兵忽至崇曰我為汝獲罪綠珠曰願效死君前遂墜樓
而死左司郎中喬知之有美妾曰碧玉武承嗣欲納之
不還知之作綠珠怨密寄之末云百年誰別在高樓一
人部

代容華為君盡碧玉見詩赴井死承嗣
得詩於裙帶羅吉告知之遂族誅之
古今樂錄晉王獻之愛妾名桃葉渡江不用楫但渡無所
臨苦歌以送之曰桃葉復桃葉渡江不用楫但渡無所
不用楫謂橫波急也唐名渡曰桃葉渡在金陵秦淮口
別長安春半邊城特地寒不見園花并巷柳馬頭惟有
月團圓蓋有所屬也迨奉使歸柳枝踰後園竄去家人
追獲詩云別來楊柳街頭樹擺亂春風只欲飛惟有小
桃園裏住留花不發待郎
歸自是專屬意絳桃矣
幸生好乘駿馬游行四方各求所好一日相遇于山寺
兩易所好乃以女伎善四絃者換紫叱撥馬今是堂
手錄村大乃自行伍為將有愛妾才色俱美大中成表
臨江仙一闕有彩鳳隨鴉之語大中覺而視
之云鴉且打鳳于足掌其面至項折而斃
主書光賦劉琰字威碩婢妾十人悉教讀書能誦魯靈

為書記使侍妾主之其裁答授意而已陟惟署名自
謂所書陟字若五采雲時人慕之號郇公五雲體
辨玉捧金石季倫愛妾名翹風年十五容貌無與比
皆殊方異國所得莫有辨其出處者乃使翹風辨其聲
色並知其出處之地言西方北玉聲沉重而性溫潤
佩服益人性靈東方南方玉聲輕柔而性清涼佩服利
久精神本傳韓翃妾柳氏天寶末盜覆二京柳氏剪
髮毀形寄居法靈寺蕭宗反正翃乃遣使間行求柳氏
以練囊盛金題詩贈之柳氏捧金嗚咽報以詩無何
為番將沙叱利劫歸虞候許俊徑造其
第出翃札示之挾之跨鞍馬以歸韓氏
麗情集柳宜戚愛善撫琴字琴客又曰元載侍姬
薛瑤英幼以香屑飲啖之長而肌膚香潤故謂之香兒
玉女雪兒南齊書蕭景先遇疾道言作啓謝世祖
醜猥數人皆不似事可以明月佛女桂支佛兒玉女美
玉上臺美滿艷華奉東宮北夢瑣言李密愛姬能歌
舞每見寶僚詩句奇麗有入意
者即付雪兒叶音律以歌之
原歸不隨命必殉

人部
歸不隨命必殉

枚乘孽子臯之母為小妻乘東歸不肯隨乘左傳魏
 武子有賤妾疾曰必嫁是妾及病甚曰我死必以爲殉
 及卒子從之
 治命嫁之 韓孟倍 毒彭祖 泉丘女夢以帷幕孟氏
 漢宣帝時張彭祖以舊恩 制總麻 為齊縗 車厝上
 封陽都侯為小妻所毒 禮制庶子為母總麻三月傳曰尊非為體 禮悼公之
 母死哀公為之齊縗有若曰為妾齊縗禮與公曰吾得
 已乎哉魯人以妻我泮言 服長子 祔女君 禮妾為
 皆為吾妻也文過之言 子與女君同注不敢以恩將服君之正統 禮妾祔妾
 祖姑無妾相姑易姓而祔於女君可也注曰女君嫡祖
 姑也易姓而祔 凡下女君一等 屈節汝家 受答主父 晉書周顛母
 顛父浚為安東將軍求絡秀為妾父兄不許絡秀曰門
 戶珍瘁何惜一女子遂與之生顛長母曰吾屈節為
 汝家妾不與我為親吾亦不惜餘年顛等從命李氏始
 為方雅之族 戰國策蘇秦謂燕王曰客有遠為吏其
 妻私人夫至使妾舉藥酒進之妾欲言恐逐主母勿言
 殺主父於是伴僮仆而棄酒主父大怒答五十杖妾一

僵上有主父下存主母身 如婦事姑 出妻寵妾 晉
 受答此忠信而得罪也 漢魏故事王公羣妾見夫人如婦事姑則敬與婦同而加
 拜擊虞議曰以妾事女君如婦事姑則敬與婦同而加
 賤也直不答拜 魏氏春秋鍾會母寵于父繇繇出其
 夫人太后為言文帝詔復之繇憤患餐椒致荒恣乃止
 任其所之 未能遣此 體為之疲左右諫之敦曰吾
 乃不覺耳若如此 齊書張環位光祿大夫妓妾盈房或
 出路任其所之 齊書張環位光祿大夫妓妾盈房或
 譏其衰暮畜妓 環曰我少好音律老而方 桃口柳腰
 解平生嗜慾無一環 復存惟未能遣此耳 仙姿玉質
 仙姿玉質 雲溪友議曰白樂天有二妾樊素善歌小
 腰後樂天年老又病風欲放樊素素慘然泣下不忍去
 樂天亦慙然不能對遂作不能忘情歌 唐書元載寵
 妾薛瑤英能詩善歌舞仙姿玉質肌香體輕 迴面
 惟賈至揚公南與載友善往得見其歌 迴面
 避之 聞聲足矣 南史齊王琨性謹慎顏師伯豪貴設
 人部

至琨琨令置牀上回面避之然後取坐客皆笑琨容色
自若天寶遺事寧王有寵姬美姿色善謳唱客莫得
見李白侍酒戲謂王曰聞王有寵姬善歌今酒肴醉飽
羣公宴倦王何吝此女不示于眾王笑謂左右設七寶
花障召寵姬歌于障後白起謝
曰雖不許見面聞其聲亦足矣
別成玉珮 故整金

釵之不相分別刻玉為龍佩結繞而舞吟惚敘
錄李愿家有一姬名真珠自謂女寶後為牛僧孺侍妾
有殊色盧肇至僧孺奇其文延于中寢會真珠沐髮方
以手捧其髻插金釵于兩鬢聞僧孺曰何妨一
咏肇曰知道相公憐玉腕故將纖手整金釵
子樓 游鶴林集 長慶集 樓公 嚴 盼 念 舊 愛 不 妨 居
是樓十餘年嘗題詩見志白樂天賡和之復贈一絕盼
盼得詩泣曰自公薨背妾非不能死恐百世之後以我
公重色有從死之妾是玷我公清範也所以偷生耳快
快旬日不食而卒 古今詩話趙嘏浙人有美妾洎計
借母不許攜行會上元節妾為鶴林之游州帥見之掩
為已有明年暇歸以詩感之曰寂寞堂前日又曛陽臺

去作不歸雲當時開作沙叱利 善鼓磬篴 誤驚鄉
今日青蛾屬使君帥聞之遣還
板 洛陽伽藍記徐月華木高陽王雍妓善彈篴篴能為
明妃出塞之曲後嫁為衛將軍原士康側室近青陽
門徐鼓篴羨而歌哀聲入雲行路聽者咸市徐嘗語士
康云王有二美姬一名修容二名艷姿修容能為綠水
歌艷姿善火鳳舞士康遂常令徐鼓綠水大鳳之曲焉
嘗養一鸚鵡甚相愛每呼鸚鵡即一響板鸚鵡傳言
呼之及琵琶卒後誤觸響板鸚鵡猶呼不已公感傷
成疾嘗為詩云鸚鵡言猶在琵琶事已非傷
心瘴江水同渡不同歸悵悵不樂久之亦終
範 四妾聲歌 廣代兼善歌舞 有愛妾曰裴六郎容範
入懷而生別號鐵笛道人晚年避亂淞江之泖湖謝伯
里家畜四妾名草枝柳枝桃枝杏枝皆善音樂每乘畫
舫恣意所之慕門 嘗歌金縷 能銜玉簪 國史補杜
巨室競相邀致 嘗歌金縷 能銜玉簪 秋娘金陵
女也年十五為李錡妾嘗為錡唱詞云勸君莫惜金縷
衣勸君莫辭少年時花開堪折直須折莫待無花空折
人部

出益負為卷三十四

枝綺叛沒入宮又放歸杜牧感而作詩
 性豪侈善音律有彈箏人陸太喜著唐角
 人張靜婉腰圍一尺六寸咸謂能掌上舞
 又有孫荆玉能反腰貼地街得席上玉簪
 浮花浪蕊
 白藕玉梅者舊續聞蘇東坡有妾名朝雲
 浮花浪蕊都盡伴君出馬家見其意矣
 才思不減昔人故宋謝家十姬皆絕
 尤艷一日招天游宴出諸姬佐饌天游
 占一詞曰淡淡春山兩點青嬌羞一點
 玉一窩雲白藕香中見西子玉梅花下
 個也銷魂楊遂以粉兒贈之曰請天游
 枕藏玉馬帳處金絲有羣馬每夜輒騰
 之令人于櫺邊伺之見一白駒以繩縛
 之不及視廢猶聞從閣內問人惟愛
 上玉馬以綠繩穿之則置枕下或失
 故視其蹄果有泥跡做之亡不知所往
 英元載之姬處金絲之帳却塵之褥出
 綃之衣一衣無一二兩重搏之不盈一掬
 以體不勝衣

故於外國
 求富民陸氏妾長曰鶯鶯早世次曰燕
 病且貧貨所居棲墓廬羣妾散燕獨不
 燕得不自以讓焉嗚呼豫讓懷智伯國
 而名之皆善筆札書史會要辛棄疾二
 妾也因其姓
 嘗代棄疾答尺牘
 妾四
 鶯鶯燕燕 田田錢錢
 隨隱謾錄錢唐范
 十郎二女俱為雲

原脅為夫人 公羊補于太廟用致夫人稱姜氏貶也譏
 君媵脅公以 不可為如 姜曰吾不以妾為如 穆
 為夫人也 不可為如 姜曰吾不以妾為如 穆
 可為主 劉輔上書于成帝曰腐木不 君稱雷尚書
 王導有妻妾姓雷頗預政 隔簾奏樂 性儉率有妓妾
 事納貨蔡公謂之雷尚書 犀帶易姬 續相公歌姬
 十數並無被服每有客嘗隔 犀帶易姬 續相公歌姬
 簾奏樂時謂簾為夏侯姁衣 犀帶易姬 續相公歌姬
 人評 謝道韞為卷三百四十七 妾

唐錫給事通天犀帶皆一代尤物唐錫慕姬之色嚴有
 欲帶之心一日出姬解帶以戲子較勝負數巡唐彩大
 勝唐乃酌酒命美女歌 炎海清涼 嶺外歸名歌姬勸
 蘇東坡酒坡作定風波詞并序曰定國歌兒名柔奴姓
 宇文氏家住京師定國南遷歸子問廣南風土應是不
 好柔奴對曰此心安處是家鄉 翠翹婉媚 翰侍人失
 遂贈以詞有炎海清涼之句 侍姬訴客
 其姓善畫自題云翠翹戲筆字畫婉媚程 侍姬訴客
 大昌題詩曰戲作風枝斜再惱玉堂宿 侍姬訴客
 王韶罷副樞知鄂州宴會出家姬坐客張續醉挽妓不
 前擁之妓泣訴于韶坐客皆失色韶曰出爾曹以娛賓
 乃令客失歡邪令取 真珠百琲 石季倫嘗屑沉香
 大杯罰妓人服其量 真珠百琲 磨末布象牀上使所
 愛妾踐之無跡則賜真珠百琲若骨輕那得百琲真珠
 令體輕故聞中相戲曰爾非細骨輕那得百琲真珠

妾五

原詩齊陸厥中山王孺子妾歌曰未央才人中山孺子

一笑傾城一顧傾市傾城不自美傾市復為容願把陵
 陽袖披雲望九重 又曰如姬寢臥內班婕坐同車洪
 波陪飲帳林光宴秦餘歲暮寒飈及秋風落芙蓉子瑕
 矯後駕安陸泣前魚賤妾終已矣君子定焉如 梁吳
 均去妾贈前夫詩曰棄妾在河橋相思復相遼鳳凰簪
 落髮蓮花帶緩腰腸從別處斷貌在淚中消願君憶疇
 昔片言時見饒 梁簡文帝詠人棄妾詩曰昔時嬌玉
 步含羞花燭邊豈言心愛斷銜啼私自憐但覺歡成怨
 非關醜易妍獨鵲罷中路孤鸞死鏡前 梁元帝代舊
 姬有怨詩曰寧為萬里隔乍作死生離那堪眼前見故

人部

洪鑑類函卷一百四十七

妾

流鏡類函卷一百一十七
愛逐新移未展春花落遽被涼風吹怨黛舒還斂啼紅
拭復垂誰能巧為賦黃金妾不賞 王僧孺為何遜舊
姬擬上山采薜蘿詩曰出戶望蘭薰褰簾正逢君斂容
裁一訪新人詎可聞新人含笑近故人含淚隱妾意在
寒松君心逐朝槿 又為姬人怨詩曰自知心裏恨還
向影中羞迴持昔慊慊變作今悠悠還君與妾扇歸妾
與君裘絃斷猶可續心去最難留 又作寵姬詩曰及
君高堂還值妾妍妝罷曲房寒錦帳迴廊步珠屐玉釵
時可挂羅襦詎難解再顧連城易一盼千金買 又詠
姬人詩曰窈窕守容華但歌有情曲轉盼非無以斜眉

幸相囑不減許飛瓊多勝劉碧玉何因送款款半飲杯
中醪 陳陰鏗和樊晉陵傷妾詩曰畫梁朝日盡芳樹
落花辭忽以千金笑長作九泉悲鏡前塵劇粉機上網
多絲戶餘雙入燕牀有一空帷名香不可得何見反魂
時 **晉** 翻風怨詩曰春華誰不羨卒傷秋落時坐見
芳時歇憔悴空自嗤 楊炎贈薛瑤英詩曰雪面淡蛾
天上女鳳簫鸞翅欲飛去玉釵碧翠步無塵楚腰如柳
不勝春 關盼盼詩曰樓上殘燈伴曉霜獨眠人起合
歡牀相思一夜情多少地角天涯不是長 又曰北邙
松柏鎖愁煙燕子樓中思悄然自埋劍履歌塵散紅歇

香銷已十年 唐杜牧感杜秋娘詩曰椒壁懸錦幕鏡
匳蟠玉螭月上白壁門桂影浮參差金階玉露重聞把
紫簫吹燕媒得皇子夫人親捧持虎睛珠絡襟金盤犀
鎮帷 宋蘇軾贈張子野詩曰錦里先生自笑狂莫欺
九尺鬚毛蒼詩人老去鶯鶯在公子歸來燕燕忙柱下
相君猶有齒江東刺史已無腸平生謬作安昌客略遣
彭宣到後堂 又朝雲詩曰不似楊枝別樂天恰如通
德伴伶元阿奴絡秀不同老天女維摩總解禪經卷藥
爐新活計舞衫歌扇舊因緣丹成遂我三山去不作巫
陽雲雨仙

增詞蘇軾贈柔奴定風波詞云常羨人間琢玉郎天教
分付點酥娘自作清歌傳皓齒風起雪飛炎海變清涼
萬里歸來年愈少微笑笑時猶帶嶺梅香試問嶺南應
不好却道此心安處是家鄉

淵鑑類函卷二百四十七

淵鑑類函卷二百四十八

人部七

妓家範

去妻

子婦

妓一

增釋名曰妓女樂也 鑑誠錄曰蜀人呼營妓為女校書

妓二

增天中記曰河間王琛妓女三百人盡皆國色 南史曰到撫有愛妓陳玉珠宋文帝逼而奪之撫怨帝將殺之撫入獄數宿鬚鬢皆白免死奪封 江南野史曰開元中廬陵永新縣尹氏女美姿容善歌唱重陽與郡女

人部

淵鑑類函卷二百四十八

妓

戲登南山文峰為同輩歌一曲聲逗數十里時刺史召見之表進入宮封為唱歌供奉喉音妙絕元會大燕含元殿時燕方酣戲譔劇聖情頗撓高力士因推永新出歌纔一聲羣唱皆默皇襟洞豁至夕而終今存始歌處號為玉女峰立廟祀之 桂花叢集曰國樂婦人有永新婦御史娘柳青娘皆一時之妙也 本事詩曰李逢吉性彊復猜忌好危人劉禹錫有妓甚麗李一旦陰期約會奪之劉惶惑歎咤而歸知無可奈何遂憤懣而作四詩以擬四愁云爾 麗情集曰長安名妓劉國容有色工詩與進士郭昭述相愛後昭述釋褐授天長簿遂

與國容相別詰旦赴任行至咸陽國容使一女僕馳駒齋短書寄之長安子弟多諷誦焉 郡國雅談曰薛濤字洪度長安良家子父鄭因官寓蜀濤八九歲知聲律其父一日坐亭中指井梧示之曰庭除一古桐聳幹入雲中令濤續之應聲曰枝迎南北鳥葉送往來風父愀然久之父卒母孀居韋臯鎮蜀召其侍酒賦詩入樂籍暮年屏居浣花溪著女冠服有詩五百首 隨隱漫錄曰韓香南徐妓也色藝冠一時與大將葉氏子交閉門謝客將終身焉葉父怒投牒有司集官軍于射圃中妻以一老卒香欣然同歸謂曰夫婦有禮汝買羊沽酒

名親故以成禮賓至酒三行入更衣久不出自刎矣
續侍兒小名錄曰小東長沙之妓人以能詩得幸于馬
氏後國入為郡窮于京師而人不知言及長沙宮中事
必南望泣涕而後言 三朝野史曰馬光祖知高郵軍
值軍官榮全率眾叛據城縱軍劫掠與同黨王安等飲
宴有妓毛惜惜不服趨侍全痛責之惜惜云我雖賤妓
不曾伏事反臣全遂斬之秋崖方岳作義娼傳聞臣以
聞特封英烈夫人 宋史曰理宗癸丑元夕上呼妓入
禁中有唐安安者歌色絕倫帝愛幸之侍郎牟子才諫
曰此皆董宋臣輩壞陛下素履

妓三

增都下無雙

關中第一

天寶遺事都下名妓楚蓮香
國色無雙時貴門子弟爭相

誦之蓮香每出處之間則蜂蝶相隨慕其香也 麗情
集長安中有娼女曹文姬工翰墨為關中第一時號為
書仙有任生者 多生花草 能舞柘枝 李公垂詩序
投之詩云云 人歌舞有名者死葬武丘寺前墓多花草
情集灼灼錦城官妓也善舞柘枝能歌水調相府筵中
與河東人坐接神通目授如舊相識自此不 厚資獻
復面矣灼灼以軟絹帕裏紅淚密寄河東人

賦 感舊題詩 五代史補街市有歌人瑞卿者慕其才
延于家一日西蜀圖將發瑞卿以歌人瑞卿者慕其才
吏入蜀獻獨鯉朝天賦蜀主大悅擢居清要其後官至
尚書左丞相夔州節度使 本事詩杜牧佐故吏部沈
公在江西幕張好作詩納見之 善歌來樂籍中隨公移
置宣城後為沈著作所納見之 善歌來樂籍中隨公移
洛陽東城感舊傷懷題詩以贈之 陵前松柏 髻上

人部

杏花 樂府廣題蘇小錢唐名媚也南齊時人西陵在
 集趙清獻帥蜀日有妓戴杏花清獻喜之戲語之曰
 上杏花真有幸妓應聲曰枝頭梅子豈無媒逼晚使直
 宿老兵呼之幾二鼓不至復令人速之旋又令止之老
 兵忽自懷後出公怪問之兵曰某度相公不過一箇時
 辰此念息矣雖 躬撰彩牋 親輸錦帳 蜀戲薛濤
 承命實未嘗往 躬撰彩牋 親輸錦帳 蜀戲薛濤
 躬撰彩牋 親輸錦帳 蜀戲薛濤
 晚歲居碧雞坊吟詩樓偃息于上後段文昌再鎮蜀
 濤卒文昌為撰墓志 因話錄睦州刺史柳齊物少而
 俊邁家富子財因調集至京師有名娼嬌陳如者姿藝
 俱美柳誦之悅焉陳云第下錦帳二十里即奉事終身
 本易其言戲之悅焉陳云第下錦帳二十里即奉事終身
 賞其奇特竟納之耳翌日遂如數載錦帳以行陳大驚且
 明皇在人間嘗聞嬌陳之名訪知乃召入宮涕泣稱病
 疾且老上知其不 烏帽紫衣 墨池雪嶺 李靖謁楊
 可強也命之歸 烏帽紫衣 墨池雪嶺 李靖謁楊
 素一妓執紅拂侍側目靖久之靖歸逆旅夜有紫衣烏
 帽人叩門延入脫衣去帽乃十八九一美人也靖詰之

告曰妾楊家紅拂妓也絲蘿願託喬木乃與俱歸太原
 盈門毀之則杯盤失錯嘲李端端云黃昏不語不知行
 鼻似烟之則耳似鐘愛把象牙梳掠鬢崑崙頂上月初生
 端往求之乃更贈曰覓得驢被繡鞍善和坊裏取端
 端揚州近李家娘子纔出墨池 筒竹盛詩 紅蓮贈
 其戶或曰李家娘子纔出墨池 筒竹盛詩 紅蓮贈
 便登雪嶺何其一日黑白不均 筒竹盛詩 紅蓮贈
 句唐語林長慶中白居易為杭州刺史官妓高玲瓏謝
 每以筒竹巧于應對善歌舞後元微之鎮會稽參其酬唱
 妓阿軟絕句云綠水紅蓮一朶開千花萬草無顏色
 增攜妓東山世說謝安游 稱一枝花 異聞錄天寶中
 公子應舉狎長安倡女李娃娃後封汧國夫人舊
 名一枝花元稹酬白樂天代書一百韻云翰墨題名盡
 光陰聽話移注云樂天每與子同游常題 飲薰肌酒
 名于屋壁顧復本說一枝花自演至已
 人部

麗情集薛瓊瓊開元宮中第一手清明日上令宮妓踏
 青狂生崔懷實竊瓊瓊夜之內樂供奉楊羔潛待之
 羔令崔作小詞方得見羔飲懷寶薰肌酒曰此長春草
 所造亦云千歲酒可令白髮變黑致長生之道崔後為
 河南司錄瓊瓊理筆為吏所 媛手妓懷申王每至寒
 詔收赴闕明皇因以賜之 媛手妓懷申王每至寒
 媛取 羨卷中人 麗情集崔徽蒲妓也同郡裴敬中以
 月敬中言旋徽不得去怨抑不能自支後數月敬中密
 友東川幕白知退至蒲有丘夏善寫真知退為徽致意
 于夏果得絕筆徽捧畫謂知退曰為妾謝敬中崔徽
 一旦不及卷中人徽且為郎死矣明日發狂自是卒
 松花造紙 難得見嚴司空潛知其意每遣薛往泊稹登
 翰林濤歸浣花所造十色彩箋作小幅松花紙多用題
 詩因寄獻元公百餘幅元于松花紙上寄贈一篇薛嘗
 好種菖蒲故 篇未及之云

妓五

增詩古樂府蘇小小歌曰我乘油壁車郎乘青驄馬何

處結同心西陵松柏下 唐譚洙題真娘墓詩曰虎丘

山下冢纍纍松柏蕭條盡可悲何事世人偏好色真娘

墓上獨題詩 劉禹錫擬四愁詩曰玉釵重合兩無緣

魚在深潭鶴在天得意紫鸞休舞鏡能言青鳥罷銜牋

金盆已覆難收水玉軫長拋不續絃若向靡蕪山下過

遙將紅淚灑窮泉 鸞辭舊伴栖何處鳳得新巢已稱

心紅粉尚殘香漠漠碧雲初斷信沉沉情知點污投泥

玉猶自經營買笑金從此山頭似人石丈夫形狀淚痕

深 舊曾行處徧尋看雖是生離死一般買笑樓前花

人部

詩話類事卷一百四十八

妓

已老畫眉牕下月猶殘雲藏巫峽音容斷路隔星橋過
往難莫道詩成無淚滴盡傾東海也難乾 三山不見
海沉沉豈有仙蹤更可尋青鳥去時雲路斷姮娥歸後
月宮深紗牕遙想春相憶書幌誰憐夜獨吟料得夜來
天上鏡只應偏照兩人心 無名氏贈御史娘詩曰天
下能歌御史娘花前月底奉君王九重深處無人見獨
把新聲傳順郎 元稹寄贈薛濤詩曰錦江滑膩岷峨
秀幻出文君與薛濤言語巧偷鸚鵡舌文章分得鳳凰
毛紛紛詞客多停筆箇箇公侯欲夢刀別後相思隔煙
水菖蒲花發五雲高 胡曾贈薛濤詩曰萬里橋邊薛

校書批把花下閉門居婦眉才子知多少管領春風總
不如 任生贈書仙詩曰玉皇前殿掌書仙一染塵心
下九天莫怪濃香薰骨膩雲衣曾惹御爐煙 妓徐月
英送人詩曰惆悵人間萬事違兩人同去一人歸生憎
平望橋邊水忍照鴛鴦相背飛 竇鞏弔妓東東詩曰
芳菲美艷不禁風未到春殘已墜紅惟有側輪車上驛
耳邊常似叫東東 宋潘庭堅毛惜惜詩曰淮海艷姬
毛惜惜蛾眉有此萬人英恨無匕首學秦女向使裏頭
真果卿玉骨花顏城下土冰魂雪魄史間名古今無限
腰金者歌舞筵中過一生

人部

洪錫類函卷三百四十八

妓

增賦

馬或咏妓轉轉賦曰玳筵既啓雅樂斯陳霧卷

羅幃花攢錦茵有西園之上客命南國之佳人貌逞嬋娟縱玉顏而傾國步移縹緲蹴羅韞以生塵

增書

妓劉國容寄進士郭昭述書曰酣寢方濃恨雞聲

之斷愛恩私未洽歎馬足以無情使我勞心因君餐食再期後會以結齊眉

去妻一

增禮

喪服小記婦當喪而出則除之為父母喪未練而

出則三年既練而出則已未練而反則期既練而反則遂之注云當喪當舅姑之喪出除喪絕族 家語孔子

曰婦有七出三不去七出者不順父母者無子者淫僻者嫉妒者惡疾者多口舌者竊盜者三不去者謂有所娶無所歸與共三年之喪先貧賤後富貴凡此聖人所以順男女之際重婚姻之始也

去妻二

增家

語後序曰自叔梁紇始出妻及伯魚亦出妻子思

又出妻故稱孔氏三世出妻 荀子曰孟子惡敗而出妻可謂能自強矣注云惡其敗德而出其妻也 漢書

曰霍光以女妻金賞賞以霍氏事有萌芽上書去妻上哀之得不坐 世說曰王獻之疾篤道家上章應首過

人部

去妻

去妻

問子敬有何異同子敬云不覺餘事惟憶與鄰家離婚
後漢書曰桓榮年四十無子弟子何湯乃去榮妻為
更娶生三子榮甚重之 舊唐書曰崔顥登進士有俊
才無士行好蒲博飲酒及游京師娶妻擇有貌者稍不
愜意即去之

去妻三

夫妻再合

頁遇並附

原愛弛

義絕

以色事人色衰而愛弛 夫婦之義絕

此離

衰薄

有詩

女此離其泣矣 叱狗 別鶴 養後漢書鮑永字君長
母前叱狗永即去其妻 琴操商陵牧子娶妻五
年無子父母欲出之為改娶乃援琴為別鶴操 去
閣 送畿 古詩故人從閣去 下堂 去室 綱鑑宋弘
詩薄送我畿

妻不下堂 蘇武

同心

反目

易詩 偃俛同心

失儷

怨耦

左傳烏獸猶不失儷 又曰怨耦曰仇

來歸

放出

左傳凡諸

寧曰來出曰來歸

禮曰舅姑怒則子放

貳行

三

出詩女也不爽

禮焉注不表謂不明言其過

離絕

棄背

棄其舊室夫婦離絕

國俗傷 取棗 負薪 漢書王吉

字子陽妻

取東家棗啖吉復相棄背

取東家棗啖吉復相棄背

乃去婦東家欲伐樹請于吉去婦復

負薪

漢書王吉

常富貴今四十九矣

妻怒之曰今當饑死遂去之及為

上書去

東緡還

到太守舍園中給之食

與夫錢令葬送 上書去 東緡還

光霍

妻自縊死與夫錢令葬送

金賞事見二

王珉妻 陳平嫂 晉書王珉及珉皆謝

東緡還

光霍

絕婚又離珉妻遂為仇怨

漢書陳平與兄伯同居伯

去妻

常耕田使平游學嫂疾平不親生產曰有叔如此不如

人部

淵鑑類函卷三百四十八

去妻

無有伯間之
遂逐其妻
呵叱出門
離訣登車
後漢書李充負

里共議及賓至充曰妾有私財願分與充曰此婦無狀教充離

有雋才兄弟不可承宗祀遂呵叱妻出門又曰黃允

婦謂姑曰今日得婿如此人足矣允聞之遂遣其妻夏侯氏

穢事十五言餘人婦攘袂而去允遂發于世

分釵斷帶
金陵故事齊處士劉燕居上元青龍山為

乃誦澗折蕪而去因名其地為釵蕪

鏡破絲斷
唐宋遺史嚴灌大娶慎氏十年無子乃出之妻為

詩以別曰當時心事已相關兩散雲收一响間便是孤

過望夫山遂如初
夫妻復合
增故妻再合
去婦

復還
黃昌妻遇賊被掠轉入蜀為人妻後昌為蜀

妻曰妾本會稽黃昌妻遭亂入蜀昌左足下有黑子

原陳說二妻
賈充兩婦
晉書李繁妙先適陳說生四

掠去說更娶嚴生子暉繁後得姊歸說籍注二妻及

元妃卒繼室以聲子馬王愆期議曰案禮不二嫡故惠公

為暉也母暉之制服無所疑矣詎離之夫不達禮義施

孝叔妻失身于卻擊而棄者以非其罪鄙野之人臨

危請姑檢不先忘順可謂婦矣士喪禮曰繼室故稱繼母

大故得嚴詔置左右夫充亦勅充迎李氏郭氏怒

得與我並乃為李氏築館舍於外也
重逢漣婦

復憶餅師
宅左有賣餅者其妻婦人類
詩話唐寧王憲

因厚遺其夫取之寵愛踰等及環歲問之曰汝復憶餅

師否默然不對王名餅師使見之其妻注視雙淚垂頰

去妻

王乃歸之 **梁女重生** **永興復合** 晉書元康中梁國女子

夫成病長安久不歸女家更以適人女不樂行其母逼嫁

遂活因與俱歸壻聞詣官爭之侍郎王道議曰此事非

常事不得以常理斷之宜還前夫朝廷從其議曰此事非

宋呂相相攜幼子過永興見羣婦同游幼子牽一婦姑怒逐

之後相顧久之認是幼子 **賣鏡咏詩** **織機題字** 古今

母與相顧復為夫婦焉 **陳舍人徐德言尚樂昌公主陳政衰乃破鏡各分其半**

約他日以正月望日賣于都市及陳亡其妻歸楊越公

得鏡乃為詩曰鏡與人俱去鏡歸人未歸無復婦娥影

空留明月輝樂昌得詩悲泣不已越公知之愴然召德

言還其妻 **賢婦人類** **能重室家** **故遺鞵履** 宋東

蘇氏事見張讜妻皇甫氏被掠賜中官為婢皇甫遂詐

癡不能梳沐後讜為宋冀州長史因貨絹千餘匹購求

皇甫文成曰南人奇好能重室家之禮此老母復何所任乃

如此致費也皇甫氏歸讜令諸妾境上奉迎數年卒

後十年而讜入魏 **冥遇贈以玉壺遺之金枕** 搜神記吳王夫差小女名

重欲嫁之王不許紫珪飲氣而死重游學歸知之感其

三日夜贈以徑寸珠并白玉壺延頸而歌曰南山有鳥

北山張羅意欲從君讒言孔多悲結成疹歿命黃墟命

之感傷雖有眾鳥不為匹雙故見鄙委逢君輝光身遠心

近何當暫亡紫珪一作紫玉又曰隴西辛道度行至

雍州城西五里見一大家辛度求餐飯饌食訖女謂度

曰我素女也出聘曹國無夫而亡今日君來願為夫婦

以金枕一枚為信度出金枕在懷至秦以枕于市貨之

秦妃索看悲不自勝遣人發冢惟失金枕解體看情交

宛然秦妃曰此真我女壻也 **吳中蝴蝶** **壇上彩鸞**

封為副馬都尉令還本國 **吳中蝴蝶** **壇上彩鸞**

梁後三年為鄴令病死遺言葬清道山下明年祝滴馬
氏過其處風濤大作舟不能進祝乃至梁家哀請封為義婦
裂祝而梁復顯靈異效勞于國封為義孺以梁祝呼之
和帝時梁復顯靈異效勞于國封為義孺以梁祝呼之
鄧雲吳中有花蝴蝶西山有許徵君上昇第每歲中
豔異編文蕭抵鍾陵西山有許徵君上昇第每歲中
秋士女擲比文生睹一妹歌曰若微君上昇第每歲中
文蕭嫁彩鸞自生有緒孺并甲帳壇臺不怕雪蕭耶引至
秉燭涉山荆石生亦潛躡其蹤珠顧曰私慾洩天機請
絕頂侍衛甚嚴後有天判云吳彩鸞以私慾洩天機請
為民妻一紀 藍橋玉白 范陽金盃 雲翹夫人與詩
後入越王山 藍橋玉白 范陽金盃 雲翹夫人與詩
窟何必崎嶇上玉京後經藍橋渴過一舍有老嫗是神
求漿姬令雲英擎一甌漿飲之航欲娶之嫗曰但得玉
白玉杵當與之後航得杵曰為搗藥乃得娶後同仙去
射中一鹿逐之不見遠見一門如府舍入其中遂見少
府令女配之三日不覺遠見一門如府舍入其中遂見少
相還送至門充便上車去又四年三月三日忽見一犢以

車充往開車後戶見崔女與三歲兒共載抱兒還充又
與金盃并贈別詩兒大名温休成為令器歷數郡二千
石皆著績其後生植為漢尚書植 夢入仙宮 形歸
子毓為魏司空冠蓋相承至今也
畫章 盧肇遺史盧李二生隱太白山習吐納李生不甘
斜口侍婢數百人際識歸舟雲中辨江樹燕罷曰莫願作
朱字一行云天際識歸舟雲中辨江樹燕罷曰莫願作
如李其年許州陸長源以女妻之宛類盧舅坐善塋篔
者君其言舊事女曰少年時因兄弟戲乃作夢入仙宮
一婦人甚麗謂畫工曰世無其人如何令生願納為妻
不工曰必應則此亦有名曰真真呼其名曰真真如書夜
果活言笑必應則此亦有名曰真真呼其名曰真真如書夜
余有神劍無何為夕顏攜劍入室真真泣曰妾南
岳地仙也疑妾不可住言訖攜其子却上軟障嘔出
君願君今疑妾不可住言訖攜其子却上軟障嘔出
先所飲百家綠灰酒觀 豕稱神女 人說鬼胎 參寥
其障惟添一孫子焉

去妻

少帝時南徐有一士子從華山往雲陽見客舍有一女子悅之無因而得遂成心疾母問其故具以告母尋見愈數日果差忽舉席見蔽膝持而泣氣欲絕謂母曰當時從華山過母從之比至女門牛打不行且待須臾女妝點沐浴竟而出歌曰華山畿君既為儂死獨活為誰施君若見憐時棺木為儂開言訖棺開女條入棺中因合葬呼曰神女冢中朝故事人說鄭畋是鬼胎其母再合而生畋

去妻四

原

喪穀梁杞伯來逆叔姬之喪不安左傳莒子娶

不安莒而歸莒人無子非過其妻商瞿曰吾年四十出耳非妻之過矣蕩舟而歸于周蕩公懼色變禁之不止公怒歸之未不為伋妻也禮記于思曰不為伋之絕也蔡人嫁之

母

增

人不如故後漢書竇元妻與元書有衣不如

讀書蔬食

班南望過于其父娶妻李氏年四十餘章從

職太原棄妻于洛中過門不入別有所牽李氏自感其薄衣褐髮髻讀佛書蔬食又十年章復遇照謂曰五十年前言郎君必貴今皆不然何也章以薄妻之事告之照曰夫人生魂訴于上帝以非命處君後旬日自以刃刺腹而死

去妻五

原詩古詩曰上山採蘼蕪下山逢故夫長跪問故夫新

人復何如新人雖云好未若故人姝其色似相類手爪不相如新人從門入故人從閣去新人工織縑故人工織素織縑日一匹織素五丈餘持縑將比素新人不如

故後漢焦仲卿妻劉氏為姑所遣時人傷之作詩曰
孔雀東南飛五里一徘徊十三能織綺十四學裁衣十
五彈箏篋十六誦詩書十七嫁為婦心中嘗苦悲君既
為府吏守節情不移雞鳴入機織夜夜不得息三日斷
五匹大人故言遲非為織作遲君家婦難為妾有繡腰
襦葳蕤金縷光紅羅複斗帳四角垂香囊交文象牙簟
宛轉素絲繩鄙賤雖可薄猶中迎後人魏文帝代劉
勳出妻王氏詩曰翩翩牀前帳可以蔽光輝昔將爾同
去今將爾共歸藏篋笥裏當復何時披曹植棄婦
篇曰石榴植庭前綠葉搖縹青丹華灼烈烈璀璨彩有光

榮光榮豔流離可以處淑靈有鳥飛來集拊翼以悲鳴
悲鳴夫何為丹華實不成樹心長歎息無子當歸寧有
子月經天無子若流星天月相終始流星歿無精棲遲
失所宜下與瓦石并憂懷從中來歎息通雞鳴反側不
能寐逍遙於前庭踟躕還入房蕭蕭帷幕聲寒帷更攝
帶撫絃彈鳴箏慷慨有餘音要妙悲且清收淚長歎息
何以負神靈招搖待霜露何必春夏成晚穫為良實願
君且安寧唐顧况棄妻詞古人雖棄婦棄婦有歸
處今日妾辭君辭君欲何去本家零落盡慟哭來時路
憶昔來嫁君聞君甚周旋及與同結髮值君適幽燕孤

沈氏類集卷三十一
魂託飛鳥兩眼如流泉流泉咽不下萬里關山道及至
見君歸君歸妾已老物情棄衰殘新寵方妍好 李白
白頭吟曰錦水東北流波蕩雙鴛鴦雄巢漢宮樹雌弄
秦草芳寧甘萬死碎綺翼不忍雲間兩分張此時阿嬌
正嬌如獨坐長門愁日暮但願君恩顧妾深豈惜黃金
買詞賦相如作賦得黃金丈夫好新多異心一朝將聘
茂陵女文君因贈白頭吟東流不作西歸水落花辭條
羞故林兔絲固無情隨風任傾倒誰使女蘿枝而來強
縈抱兩草猶一心人心不如草莫捲龍鬚席從他生網
絲且留琥珀枕或有夢來時覆水再收豈滿杯棄妾已

去難重迴古來得意不相負祇今惟有青陵臺 戴叔
倫去婦怨曰出戶不敢歸風悲日淒淒心知恩義絕誰
忍分離別下坡車麟麟畏逢鄉里親空持牀前幔却見
家中人忽辭王吉去爲是秋胡死欲比今日情煩冤不
相似

原賦魏文帝出婦賦曰念在昔之恩好似比翼之相親
惟方今之疏絕若驚風之吹塵夫色衰而愛絕信古今
其有之傷箴獨之無恃恨膺嗣之不滋甘歿身而同穴
終百年之常期信無子而應出自典禮之常度悲孤風
之不荅怨昔人之忽故被入門之初服出登車而就路

遵長塗而南邁馬躊躇而迴顧野鳥翩而高飛愴哀鳴
而相慕撫駢服而展節即臨沂之舊城踐麋鹿之曲蹊
聽百鳥之羣鳴情悵恨而顧望心鬱結其不平 曹植
出婦賦曰以才薄之質陋奉君子之清塵承顏色以接
意恐疎賤而不親悅新婚而忘妾哀愛惠之中零遂摧
頹而失望退幽屏於下庭痛一旦而見棄心怛以悲
驚衣入門之初服背牀室而出征攀僕御而登車左右
悲而失聲嗟冤結而無訴乃愁苦以長窮恨無愆而見
棄悼君施之不終 王粲出婦賦曰既僥倖兮非望逢
君子兮弘仁當隆暑兮翕赫猶蒙眷兮見親更盛衰兮

成敗思情固今日新竦余身兮敬事理中饋兮恪勤君
不篤兮終始樂枯萋兮一時心搖蕩兮變易忘舊姻兮
棄之馬已駕兮在門身當去兮不疑攬衣帶兮出戶顧
堂堂兮長辭

原書後漢竇元舊妻與元書曰棄妻斥女敬白竇生卑
賤鄙陋不如貴人妾日已遠彼日已親何所告訴仰呼
蒼昊悲哉竇生衣不厭新人不厭故悲不可忍怨不自
去彼獨何人而居我處

子婦一

禮記曰父母舅姑之敦年卮匱非餒莫敢用與恒食

人部

子婦

飲非餒莫之敢飲食 爾雅曰婦稱夫之父曰舅稱夫
之母曰姑在則曰君舅君姑沒則曰先舅先姑 又內
則曰婦事舅姑如事父母雞初鳴咸盥漱櫛縱笄總衣
紳左佩紛悅右佩箴管施繫袞大觶木燧衿纓綦履以
適舅姑之所及所下氣怡聲問衣寒燠疾痛疴癢而敬
抑搔之 又曰冢婦所祭祀賓客每事必請于姑介婦
請于冢婦 又曰婦或賜之飲食衣服布帛佩悅蒞蘭
則受而獻諸舅姑受之則喜如新受賜若反賜之則辭
不得命如更受賜藏以待乏婦若有私親兄弟將與之
則必復請其故賜而后與之 子夏曰嫁不及舅姑謂

之不幸 漢書賈誼曰秦人抱哺其子與公併倨婦姑
不相悅則反脣而相稽 莊子曰室廡空虛則婦姑勃
蹊 又廣川王傳曰背尊章嫖以忽顏師古曰尊章猶
言尊姑也 曹大家曰女子之事父母也孝故忠可移
于舅姑 顏氏家訓曰古者子婦供事舅姑旦夕在側
與男女無異

子婦二

增列女傳曰孟軻既娶將入室其婦袒于內孟子不悅
遂去不入婦辭母求去母召軻而謂之曰夫禮將上堂
聲必揚所以戒人也將入戶視必下恐見人過也今汝

人部

淵鑑類函卷二百四十八

子婦

不察于禮而責于妻不亦遠乎孟子遂留其婦謝之君
子謂孟母知禮而明姑婦之道列女傳曰班昭年七
十餘卒有遺令凡十六篇子婦丁氏為撰集之又作大
家贊按昭子曹慤丁慤妻也世說曰張說女嫁盧氏
女嘗為舅求官說不語但指搢牀龜示之歸告其夫曰
舅得詹事矣

子婦三

獻珍 嘗藥 楚王靈龜如上官氏者舅姑在侍奉謹
主事舅姑以禮姑寢疾不
解衣藥糜非親嘗不道
乳姑 鞭婦 唐書崔澹曾
年八十無齒不粒食祖母唐夫人事姑至孝每旦梳洗
拜姑于堂下即升堂乳其姑姑賴其養數年康健一旦

姑病宣言無以報新婦恩願新婦有子有孫皆得如新
婦尚書敬世謂崔氏昌大有所本云又曰柳公綽為刑
部尚書京兆獄有姑鞭婦至死者府欲殺之公綽曰
尊卑非關也且子在以妻而戮其母不順遂減論

原佐餒

授室

特豚

雙鯉

棄妻妻寄鄰舍常作膾脍及江水其妻取水不及時詩乃
還舍傍輒有泉脈如江水兼躍雙鯉以似母膳之呼必
嘗必服 勿逆勿怠 禮若飲食之雖不嗜必嘗而待加
婦孝者敬者父母舅 枕几不傳 杖履祇敬 禮舅姑
姑之命勿逆勿怠 傳家子婦 請事舅姑 又

簞席枕几不傳注傳移也 傳家子婦 請事舅姑 又
沒則姑老傳家事于子婦 又 娶不舉樂 嫁親饋
婦將有事大小必請于舅姑也 又 猶恩也

食 又取婦之家三日不舉樂思嗣親也 又 猶恩也
婦又取親饋舅姑卒食婦餞餘私之也私猶恩也

人部 子婦 十七

猶有不至 而後內和 不親夫事舅姑之側也 又者謂

順備而後內和 又以此防人婦猶有不至者 謂

氏事見賢婦人類 王珪子敬直尚南平公主是時諸

主下嫁以帝女貴未嘗行見舅姑禮 曰主上行法度

吾當受公主謁見豈為身榮以成國家之美于是與夫

人坐堂上主執筭盥饋乃退其後公主降有舅姑者備

婦禮本 弟如獨殊 公姑皆賀 唐高祖太穆順聖皇

于珪 疾而性素嚴諸姊妹皆畏之莫敢侍后事之獨怡謹盡

孝而唐盧徹為吉州刺史一女有幽閒之德馬暢求之

卜者曰祥女入門而 原出婦疾怨 庸疾怨姑教之若

媪御皆喜公姑皆賀 原出婦疾怨 庸疾怨姑教之若

注雖當出猶為之隱不表禮謂不明其過犯也 守

肉 取水 肉姑慙追其婦還 姜詩母好江 守

昨暮夫得肉姑慙追其婦還 姜詩母好江 守

水妻常取之一日來遲母渴詩逐遣其妻 守

飲食 還以珠璫 汝南記應順字華仲其妻本汝南鄧

義還御里妻留事姑甚謹如憎之幽閉空室節其飲食

羸露日困妻終無怨言後伯考怪而問之時義子朗年

數歲言母不病但苦飢耳伯考流涕曰何意親姑及為

此禍因遣歸更嫁為華仲妻 謝承後漢書汝南李敬

前相夫人昔亡三珠疑子婦竊之因而去婦敬乃送珠

付前相相 苟違顏色 乃見志操 本傳李迴秀母少

漸去相相 苟違顏色 乃見志操 本傳李迴秀母少

事姑苟違顏色何可留也 下鮑永事見前

子婦 四 無私禮 記子婦

原善物 傳曰姑慈而從婦聽而婉禮 無私禮 記子婦

私蓄無私器不敢 成婦義 又三月而祭于禰成婦之義

命適私室 又凡婦不命適 姑喪 緇妻姑之

子婦

子婦

喪夫子訓其髮從舅從姑穀梁曰送女父不下堂母不出祭
戒之曰謹慎從舅從姑唐書鄭義宗妻盧氏略涉
俱逃走惟姑年老不能移賊欲殺之虛冒白辭營別
刃救之姑曰歲寒松柏今乃見婦之心
第又襄城公主下嫁有司告營別第辭曰雅合謹修
又太中一年以起居父母鄭顯尚公主詔曰婦人之節也今
德雅合謹修嚴奉舅姑夙夜勤事此婦人之節也
日好雪子輟排錄馮道與趙鳳同在中書鳳有女適道仲
院者來訴凡數百言道都不答及
去但云傳語親家翁今日好雪

子婦五

增誠漢班昭女誠曰賴母師之典訓年十有四執箕帚
于曹氏四十餘載矣戰戰兢兢常懼玷辱以增父母之

羞以益中外之累夙夜劬心勤不告勞

家範一

增易曰父父子子兄弟兄弟夫夫婦婦而家道正正家
而天下正矣 又初九曰閒有家悔亡象曰閒有家志
未變也 又六二曰无攸遂在中饋貞吉象曰六二之
吉順以巽也 又六四曰富家大吉象曰富家大吉順
在位也 又九五曰王假有家勿恤吉象曰王假有家
交相愛也 又上九曰有孚威如終吉象曰威如之吉
反身之謂也 又曰家人有嚴君焉父母之謂也 詩
曰刑于寡妻至于兄弟以御于家邦

人部

淵鏡類函卷三十四

家範

家範二

晉書庾亮字元規，姿容善談論，風格峻整，動由禮節。閨門之內，不肅而成，或以為夏侯泰初。陳長文之倫，人憚其方嚴而莫敢造。唐書曰：韋陟家法修整，教子允就，學夜分視之，見其勤，旦日問安，色必怡，稍怠則立堂下，不與語。又曰：李景讓家行修治，閨門惟謹。又曰：李晟治家以嚴，子姪非晨昏不輒見，所與言未嘗及公事。

家範三

魏志司馬朗父防，閨門自守，衣冠相見。諸子雖冠成人，不命進則不

敢進，不命坐，不敢坐，不揖，有所問，不敢言。父子之間，整肅如此。晉書何曾至孝，閨門整肅，自少及長，無聲樂。嬖幸之好，與妻相見，正衣冠相待，如賓。已南面，妻北面，再拜上酒，酬酢既畢，便出一歲，如此，不過再三。

禮著閨門，唐書崔暉，四世總麻，同居。名題里社，禮著閨門，唐書崔暉，四世總麻，同居。

友可為士族，法因題其居，曰德星堂。後京兆民即見其里號為德星社云。馮元常，閨門雍穆，有禮法。

重士林，各修家法。柳士林，家訓余家本以學識禮法稱。

久傳世多而諸臣亦各修。韓穆二門，邠倕四世。

其家法務以門族相高。穆寧居家嚴嘗撰家令訓，諸子人一通，又誦曰：君子之

事親，養志為大，吾志直道，苟枉而道三，非吾養也。先是韓休家訓子姓，至嚴正，元開言家法者，尚韓穆

二門云。又曰：崔邠父倕，四世一爨，當時言治家者，推其法。書誠屏風，貽譏門戶。勸弟為晉州刺史，以勸

人部。書誠屏風，貽譏門戶。勸弟為晉州刺史，以勸

家範

疾名為司衛卿使省視忽語曰我似少愈可置酒相樂
于是奏樂宴飲列子孫于下將羅謂弼曰我即死欲有
言恐悲哭不得盡故一訣耳我見房元齡杜如晦高季
輔皆辛苦立門戶亦望詒後悉為不肖子敗之我子孫
今以付汝汝可謹察有不屬言行交非類者
急榜殺以聞毋令後人笑吾猶吾笑房杜也

家範四

增家法可稱

唐書張知謨每勅子孫經

內齋正色

柳仲郢私居內

世稱孝睦

內外親屬百餘

重其家法

本傳朱泚亂崔祐甫妻王隋賊中泚嘗與

鏞之帝還京具封以獻

雍睦保家

孔帖源海雍睦

家範五

原詩晉潘安仁家風詩曰綰髮綰髮髮亦鬢止日祇日

祇敬亦慎止靡專靡有受之父母鳴鶴匪和析薪弗荷
隱憂孔疚我堂靡構義方既訓家道穎穎豈敢荒寧一

日三省

增書唐李華與外孫崔氏書曰予小時起居尊行三時

侍食今諸子曰出高眠爭覽盤器何嘗有此儀 柳玘

述家訓誡子孫書曰夫門地高者立身行已一事有墮

先訓則罪大于他人門高則自驕族盛則人之所嫉實

誼懿行人未必信纖瑕微累十手爭指摘矣故族遠長

不假問龜筮星數在處心行事而已昭國里崔山南瑄

子孫之盛士族罕比仁和里裴尚書寬子孫眾盛實為

人部

家範

家範

三

名聞夫名門右族莫不由祖考忠厚勤儉以成立之莫不由子孫頑率奢傲以覆墜之成立之難如升天覆墜之易如燎毛余家本以學識禮法稱于士林喪亂以來門祚衰落基構之重屬于後生孝慈友悌忠信篤敬乃食之醯醬可一日無哉

淵鑑類函卷二百四十八

淵鑑類函卷二百四十九

人部八兄弟 喪兄弟 外祖孫 舅甥

兄弟一

釋名曰兄荒也荒大也故青徐人謂兄曰荒弟第也相次第而生也 **說文**曰兄長也 **周易**曰兄兄弟弟

原尚書曰惟孝友于兄弟克施有政 **增**又曰弟不

念天顯大不克恭厥兄亦不念鞠子哀大不友于弟

詩曰緜緜葛藟在河之漘終遠兄弟謂他人昆謂他人

昆亦莫我聞 又曰揚之水不流束楚終鮮兄弟維

予與汝無信人之言人寔廷汝 **原**又曰陟彼岡兮瞻

望兄兮兄曰嗟子弟行役夙夜必偕上慎旃哉猶來無

死 **增**又曰有杖之杜其葉濇濇獨行踽踽豈無他人

不如我同父嗟行之人胡不比焉人無兄弟胡不飲焉

原又曰棠棣之華鄂不韡韡凡今之人莫如兄弟

又曰鵲鳴在原兄弟急難 **增**又曰兄弟既翕和樂且湛

增又曰宜兄宜弟令德壽豈 **原**又曰此令兄弟綽綽

有裕 **原**禮記曰兄弟親戚稱其慈也寮友稱其悌也

增又曰兄弟之讎不反兵 **增**又曰旨酒既清嘉薦曹

時始加元服兄弟具來孝友時格永乃保之 **增**又曰立

敬自長始教人順長類兄也 **增**春秋傳曰君義臣忠父

慈子孝兄弟恭所謂六順 **增**周禮曰大宗伯之職以

脤膾之禮親兄弟之國 脤膾祭社稷宗廟之內 **增**又曰

長惠幼順 **增**又曰大司徒曰六行孝友睦婣任恤 **原**

爾雅曰善兄弟為友 **增**孝經曰孝悌之至通於神明

增又曰敬其兄則弟悅 **增**又曰教民禮順莫善於悌

漢詔曰兄弟敵吾一體一支謂同父母也 **增**東方朔傳

曰同胞之徒無所容居注蘇林曰言親兄弟 **增**谷永書

曰雖察父哲兄覆育子弟誠無以加 **增**文選曰子之友

弟和如琴瑟 **增**初學記曰瓊芳惠茂蘭發玉暉喻兄弟

之賢也 **增**李華弔古戰場文曰誰無兄弟如手如足

兄弟

兄弟二

書曰王若曰孟侯朕其弟小子封惟乃丕顯考文王克明德慎罰弗敢侮鰥寡庸庸祇祇威威顯民左傳曰太如之子惟周公康叔為相睦也列女傳曰齊宣王時有人鬪死道者被一創齊義二子立其旁吏問之兄曰我殺之弟曰非兄乃我殺之暮年相推不決召其母問所欲殺活母泣對曰殺少者相曰少子人之所愛欲殺之何也對曰少者妾之子長者前妻之子子雖痛謂義何宣王美其義皆赦之又曰古師安妻呂君少寡無子其兄犯法君乃泣曰少遭家不造兄弟單阝門

宗唯兄存而復此禍我有一計猶足免難為辭乞代兄命自經縣門縣官嘉其義乃捨之左傳曰宋向戌來聘且尋盟見孟獻子美其室曰子有令聞而美其室非所望也對曰我在晉吾兄為之毀之重勞且不敢問又曰秦后子有寵于桓如二君于景后子秦桓公子景公母弟鍼也其權寵如兩君也其母曰弗去懼選鍼適晉其車千乘曰秦伯之弟鍼出奔晉罪秦伯也后子享晉侯造舟于河十里舍車自雍及絳歸取酬幣終事八反司馬侯問焉曰子之車盡于此而已乎對曰此之謂多矣若能少此吾何以得見又曰鄭莊公弟共叔段居京謂之京城太叔祭

人部

兄弟二

兄弟

三

仲諫曰都城過百雉國之害也無使滋蔓蔓難圖也蔓草猶不可除況君之寵弟乎漢書曰陳平陽武戶牖人也少時家貧好讀書有田三十畝與兄伯居伯常耕田縱平游學原又曰馮立字聖通與兄野王相代為西河上郡太守民歌之曰大馮君小馮君兄弟繼踵相因循詳太又曰卜式河南人以田蓄為事有少弟弟壯式脫身出獨取畜羊百餘口以田宅財物盡與弟式入山牧十餘年羊致千餘頭買田宅而弟盡破其產又分財與弟者數矣又曰王商字子威涿郡蠡吾人商為太子中庶子以肅敬敦厚稱父薨商嗣為侯推財以

分異母諸弟商無所受東觀漢記曰魏霸字喬卿濟陰人為鉅鹿太守妻子不到官舍念兄嫂在家勤苦而獨尊樂故常服麤糲不食魚肉婦親蠶桑子躬耕與兄弟子同苦樂鄉里慕其行化之又曰王琳年十餘喪父母遭大亂百姓奔逃地兄弟獨守家廬弟季出遇赤眉賊將為舖琳自縛請先季死賊矜而放之又曰趙孝字長平沛國蘄人兄弟怡怡鄉黨歸德王莽時天下亂人相食弟禮為賊所得孝聞即自縛詣賊曰禮久餓羸瘦不如孝肥賊並放之續漢書曰姜肱字伯淮彭城廣威人家世名族與弟仲海季江皆以孝行著與

弟同被臥甚相親友及長相愛不能相離

增後漢書

曰班固以父彪所續前史未詳乃潛精研思欲就其業既而有人上書顯宗告固私改作國史者有詔下郡收固繫京兆獄盡取其家書固弟超恐固為郡所覈考不能自明乃馳詣闕上書得召見且言固所著述意而郡亦上其書顯宗甚奇之除蘭臺令史 又曰梁商字伯夏安定烏氏人常曰多藏厚亡為子孫累每租奉到及兩宮賞賜便置中門外未嘗入藏悉分與昆弟 海內先賢傳曰范丹字史雲讓財千萬與三弟 **原**異苑曰荀林宗字君儒乘水省舅陷河而死兄淪於水側投牋

與河伯岸側水開君儒執牋浮出

增汝南先賢傳曰

潁川陳寔有子曰元方曰季方並以名德稱兄弟孝養閨門雍睦海內慕其風四府並命無所屈就兄弟嘗過同郡荀爽夜會飲宴太史奏德星聚 魏書曰房景先沉敏方正事兄恭謹出告反面晨昏參省側立移時兄亦危坐相敬如賓客兄曾寢疾景先侍湯藥衣冠不解形容毀瘁親友莫不哀之 **原**吳書曰劉繇長子基遭

家多難嬰丁困苦潛處味道不以為戚與羣弟居常夜臥早起妻妾稀見其面諸弟事之如父不妄交游門無雜賓 **增**晉書曰徐州刺史呂虔有佩刀工相之以為

必三公可服此刀謂別駕王祥曰苟非其人刀必為害
 卿有公輔之器故以相與祥受之及祥死之日以刀授
 弟覽曰吾兒凡汝後必興足稱此刀故以相與 三十
 國春秋曰裴楷嘗為別宅宅甚美楷兄欲之楷便讓之
 宋書曰蔡廓罷豫章郡還起二宅先成東宅與弟軌
 又曰徐湛之年數歲時與弟淳之共車行牛奔車壞
 左右人馳來赴之湛之先令取弟眾咸歎其幼而有識
 唐書曰韋嗣立與兄承慶異母少友愛母王氏遇承
 慶嚴每鞭笞之嗣立解衣求代母不聽即遣奴自笞母
 感悟遂均愛焉議者以比王祥王覽 宋史曰黃山谷

謫黔州嘗書萍鄉縣壁曰兄元明自陳留渡漢沔上夔
 峽過一百八盤涉四十八渡送余至摩圍山掩淚握手
 臨別有詩云急雪鶴鵠相並影驚風鴻鴈不成行 又
 曰陸九齡字子壽弟子美子靜伯仲閭閻侃侃自相師
 友

兄弟三

兄弟友恭

義兄弟

兄弟齊名

兄弟不睦 用刑俱

原

因心

詩維此王季

因心則友

則友其兄

則篤

夜納

粥扶持

不吝晝

棣華

荆葉

式孝子傳

兄弟

意欲分異

出見三荆

同根接葉

連陰

致美立

人

弟

弟

弟

敬美史佚有言兄弟致

密筭不出外帝顧諸王曰父子兄弟相親當如此因謂

營產 哭麻 南史孔顛為長史道存從弟徽頗營

紙席之屬劉崇龜弟崇魯與崔緯善帝以李驥輔政緯

懼見奪共謀沮之及驥白麻出宗魯輒掠麻大哭帝問

之崇龜聞之曰吾兄弟未始 塵尾 鹿車 晉書李矩

相崇龜聞之曰吾兄弟未始 塵尾 鹿車 晉書李矩

揚武將軍屢敗石勒誦弟元為賊所執賊遣元以書說

矩曰去年東平曹嶷西賓猗盧矩如牛角何不論石勒

復遺誦塵尾馬鞭誦不答 後漢書杜林字伯山初為

郡吏客河西隗囂深相敬待林雖拘于囂而終不屈節

隴坻遮殺之賢見林身推鹿車載弟喪乃歎曰

當今之世誰行義我雖小人何忍殺義士因亡去

萌肥 禮瘦 東觀漢記倪萌字子明齊國臨淄人常勤

出城採蔬為赤眉賊所得欲殺啖之萌誦賊叩頭言兄

年老羸瘠不如萌肥健願代兄賊義而兩釋之

見前 分甘美 同衣食 東觀漢記孔奮篤骨肉弟奇

給其糧用四時送衣下至脂燭每有所食甘美輒分減

以遺奇 江徽陳留志李銓平丘人有所食甘美輒分減

子後母甚不愛而衣食皆使下銓銓始年五歲覺已衣

服勝兄即脫不著須兄得已同然後服之其母遂不得

偏有 梁王同輦 清河共室 漢書梁孝王入朝景帝使

闕下入則侍帝同輦出則同車游獵 張瑩漢南記孝

和皇帝諱肇章帝中子也兄慶為皇太子母被讒死慶

為清河王帝年四歲代為太子 許荆解劍 李鴻刻

而特親慶入則共室出則同車 許荆解劍 李鴻刻

印為人所侵辱為後陰結客報怨為執法吏所得當伏

罪時未立嗣鴻為太尉掾在京師傷育以義刷門戶

人部

兄弟

意到縣北亭預作記乞代育通記
 便飲鵠而死縣令省記恒然驚感
 孔融爭死 冷平
 讓生司馬彪續漢書山陽張儉為中常侍侯覽所忿疾
 時融年十五六留舍藏之後以客發洩覺知儉脫走收
 融及棄送獄融曰保納藏舍者融也融當坐儉曰彼來
 投我罪我之由非弟之過我當坐兄弟爭死郡縣疑不
 能決乃上讞詔令坐褒融由是著名崔鴻南燕錄有
 司奏沙門僧智夜入臨淄人冷平舍淫其寡嫂李氏平
 與弟安國殺之郡縣按平兄弟以殺人論而平安國各
 引手殺讓生競 陰慶推第 李孟讓田 張瑩為嗣陽
 死義形急難 侯其弟員及丹皆為郎慶以明尚書修儒術推居第園
 田奴婢錢悉分與員丹慶但佩印綬而已 陳壽益部
 者舊傳李孟元修易論語大義略舉實性恭順與叔子
 就同居就有痼疾孟元推所有田園悉以讓就夫婦紡
 績以自 壽子載旌 姚萇授馬 姜左傳衛宣公丞于夷
 齊而美公取之使行不可及行壽子飲以酒載其旌以先盜
 壽子告之使行不可及行壽子飲以酒載其旌以先盜

殺之 崔鴻後秦錄姚襄與李歷戰馬中流矢弟萇下
 馬以授襄襄曰汝何以自免萇曰兄濟此豎子安敢害
 萇天下可無我不可 盧毓養寡 仙偉訓孤 漢書盧
 無兄會救至俱免 家逐郡人父植有名於時毓十歲而孤遇本州亂二兄
 死難當素給公孫瓚交兵幽冀年荒養寡嫂兄子以學
 行稱 魏書仙偉弟少亡偉撫寡訓孤同居二十 姜
 餘年恩義甚篤不營產業身亡之後賣宅營葬
 肱同被 李克易衣 詳見前妻下 請代得免 爭死
 遂釋弟于恭弟為賊所得請代得免死 漢書姜肱與
 賊遂兩釋之 東帶後語 掩戶自搗 劉璉兄弟爭前死
 但奪衣資 後漢書繆彤字公豫兄弟四人同財及各娶
 而後語 異彤乃掩戶自搗曰修身謹行學聖人法將
 以齊整風俗奈何不能正家及諸 增封之有庫 逃
 婦聞之叩頭謝過更為敦睦之門 史記吳泰伯與弟
 于荆蠻 孟仲雍皆周太王之子季歷之兄弟也 李歷賢而有

聖子昌太王欲立季以及昌于是太伯仲雍乃逃荆蠻文身斷髮示不可用以避季歷弟優于

兄勝其弟世說王獻之常與兄徽之寒暄而已客問

王氏優劣安曰少者佳客問其故曰吾人之辭寡李

義琰使高麗其王據榻召見義琰不拜曰吾天子使可

當小國君君奈何倨見我王辭屈為加禮及義琰再使

亦坐台之義琰匍匐拜伏時人由是見其兄弟優劣焉

聞聲乃識唾面自乾後漢書夏馥以聲名為中官

為黨魁馥乃自剪鬚變形為治家備親突烟炭形貌毀

粹弟靜于涅陽市遇馥不識聞其言聲乃覺而拜之

有唾面潔之而已師德曰潔之官師德教之耐事弟曰人

憐兄受撻質弟給需唐書李景莊老于場屋每被

主司曰李景莊今歲不可不收可憐彼兄每歲受撻由

是始得及第桓冲傳桓温弟冲小字買得郎初温兄

為質羊主言不欲為質幸為養買得郎

增兄弟友恭

夢草分荆南史謝惠連十歲能屬文兄康樂賞愛之

連即得池塘生春草園柳變鳴禽曰此語有神助非吾

所能及也續齊諧記京兆人田真與弟廣慶三人分

財各居堂前紫荆花一株甚茂共議破而為三至明

旦即枯死真驚謂二弟曰荆本同株當分折便憔悴况

人兄弟而可離是人不如木射牛不問傷犬得差

父兄弟相感復合荆亦復茂醉射殺弘駕車牛弘還宅

隋記牛弘寬厚弟弼好酒因醉射殺弘問直答云作脯坐

其妻迎謂之曰叔射殺牛弘無所推問直答云作脯坐

定其妻又曰叔射殺牛弘無所推問直答云作脯坐

色自若讀書不輟宋書張暢弟收為狗犬所傷醫曰

食蝦蟇膾即愈收甚難之逃遁讓封孤惇相育後

暢含笑先嘗收因啖得差書居巢侯劉般薨子愷當嗣稱父遺意讓其弟憲逃遁

十餘歲有司稱絕其國賈逵上書曰孔子稱能以禮讓

為國乎何有司絕其國賈逵上書曰孔子稱能以禮讓

所以表克讓之風成弘之化也而緇以尋常之法非

二弟皆城常易衣而出長不肯娶謂弟曰吾與若孤惇

兄弟

兄弟

兄弟

兄弟

兄弟

相育既娶則問外姓雖共處而亦疎我忍為弟義之亦不娶終身

花萼 謝靈運答惠連詩况我連枝樹與子同一身

順處兄 後村詩話曹植以蓋代之才他人猶愛之況于

有貶削方責躬上表求以自試兄不見察而不致廢恭

順之義卒以自全可謂仁且智矣文中子曰至哉思王

以天下讓 惟取圖書 不私錢帛 南史王曇首太保

真篤論也 弟分財曇首惟取圖書而已 唐書崔孝暉奉兄孝

芬盡恭順之禮坐食進退兄不命則不敢也一錢寸帛

不入私房吉凶所須坐對分給 兄代弟官 弟為兄

諸婦亦相與親愛有無共之 友 逸才可任因以命之世榮其遷 晉書劉審理與弟

延景為友得祿多資之蕭介與兄弟 伏願內徙 得

文酒會賞時人以比謝氏烏衣之游 免外出 唐書張嘉貞奉事京師明皇數慰勞嘉貞自陳

少孤與弟嘉祐相恃以長今為鄱州別駕伏願

內使使少相近帝為徙嘉祐忻州刺史 又岑文本弟

文昭任校書郎多交輕薄帝不悅謂文本曰卿弟多過

朕將出之文本曰臣少孤母所鍾念者弟也不欲離左

右今若外出母必憂無此弟是無母也泣下嗚咽帝愍

其意召之出 名標廉讓 志勵清高 兄交州記李祖仁

讓責得免出 孝 讓 因名其江曰廉讓江 東觀漢記鄧彪字伯智

南陽人父邯世祖中興從征伐以功封鄼侯彪以嫡長

為世子邯薨彪當嗣爵讓國與異母弟鳳 讓產擔金

明帝高其節詔書聽許鳳讓爵彪任州郡 聚堂還室 富兄弟早孤而嫂貪吝數所受田宅奴婢

三百餘萬悉讓于兄裁留地數十畝起舍耕作土中得

金一器數以妻妻曰本言讓先祖所有此獨非其有

耶敬曰固吾意也乃俱擔金與兄嫂見金而喜兄乃

惻然感悟棄妻還金 魏書楊播字元慶昆季相事有

如父子播剛毅持津恭讓兄弟且則聚于廳堂椿年老

普他處醉歸津扶侍還室仍假寐閣前承候安否椿津

年過六十並登台鼎而津嘗曰暮參問子姪羅列階下

兄弟

津親授遊箸味皆先 事兄如父 呼弟以君 宋書謝

嘗椿命食然後食 孤事兄如父 蘇子由已 相約早休 同時請老 蘇

卯生東坡嘗號為卯君 由曰轍初從子瞻兄讀書未嘗一日相舍既仕宦游四

方讀韋蘇州詩那知風雨夜復此對牀眠惻然感之乃

相約早休為開居之樂其後熙寧十年二月始會于澶

濮之間留百餘日宿于道臺追感前約作小詩以紀

之宋史韓獻肅公絳兄弟天性友愛自忠公為兩

府大臣至公兄弟為宰輔者二人公將歸許而兩弟時

亦皆七十同時請老朝廷雖未之許其為榮 詩酒相

盛前古未有也忠獻乃獻肅公之父億也 娛 清白交勵 宋周益公名必大字子充廬陵人以太

休年皆八十詩酒相娛終其身 宋史李綸提舉廣東

適伯兄維守恩平酌別江濱兄弟相勸以清白綸臨江

矢言曰倘負若民有如此水遂投杯于江杯停不沒者

久之觀者驚歎民歌曰石門之水清且清晉吏一畝干

古榮爭如李公投杯 怒其辭名 戒以擇交 宋史范

巽江流洶洶杯停傳 兄弟齊名 兩驥 八

純祐有心疾奉之如父藥膳居服皆躬親賈昌朝守北

都請參幕府以兄辭宋庠薦試館職謝曰輦轂之下非

兄養疾池也富弼責之曰臺閣之任豈易得何庸如是

卒不就 蘇東坡泛愛天下無賢不肖歡如也弟子由

少許可嘗戒擇交東坡曰吾 兄弟齊名 兩驥 八

眼前見天下無一人時號兩驥 世 二陸 三張 本傳

龍說荀爽兄弟二人時號八龍 蜀志馬良字季常眉人

士龍本傳孟 五常 二惠 有白毫兄弟五人時人

為景陽季陽 左傳曰馬氏五常白眉最良 六龍 八達 晉書下

並登宰輔世稱下氏六龍 雙丁 兩到 魏志丁儀

安平王兄弟八人時號八達 文才人稱雙丁 南史到溉字茂灌為弟也父坦齊

中書郎灑少孤貧與兄洽弟洽俱知名起家王國左常

侍樂安任昉大相賞好提挈 洽二人廣為聲價稱兩到云 東漢二龍 北齊兩

鳳後漢書許都子將汝南平輿人也兄處亦知名汝

南人稱平輿之淵有二龍焉 北齊書崔陵與弟仲

兄弟

文俱有名同日受 賈門三虎 張氏十龍 後漢書賈

拜時號兩鳳連飛 而彪最優故天下稱之曰賈氏三

龍 虎節最怒 語林魏張魯有十子時人語曰張氏十

溫恭 王氏三珠 陸家雙壁 皆著才名杜易簡稱

為三珠樹三珠樹生赤水之上 陸曄與弟恭之 孟

並有時譽洛陽令見之曰僕已年老更視雙壁 蘇東坡與弟由及

氏雙珠 蘇庭連壁 謂之雙珠 蘇東坡與弟由及

孔文仲經甫與弟武仲常甫平仲毅甫俱以才名播天

下黃山谷贈詩曰二蘇稱連壁三孔分立鼎天不墜斯

文俱來 山稱二隱 秦號兩君 後去職居會稽若邪

集臺省 山雲門寺二兄求點並棲遁求先卒至是肩又隱世號

點為大山角為小山 本傳唐初漢書學大興其章章

者若劉伯莊秦景通兄弟劉納言皆名家景 慈孝廉

通與暉皆有精漢書號大素君小素君 唐書穆贊

讓 酪酥醅乳 為御史中丞弟質右補闕員侍御史賞

監察御史皆以守道行誼顯兄弟和粹世以珍味目之

贊少俗然有格為酪質美而多文為酥員為醅賞為

腐乳貞元間言 為聯珠集 號花萼篇 又曰寶羣與

家法者稱之 又曰李義山與兄弟俱以文章故名為聯珠集行于

世 又曰李義山與兄弟俱以文章故名為聯珠集行于

李氏花 俱善文辭 皆敦士行 又曰劉知幾與弟知

人號其鄉曰高陽里曰居巢 又曰陸象先弟相善嘗謂人曰

融景猷兄弟皆敦士行 汝穎無對 貢舉兩收 陳羣與

史子求李汝古陸融人李世輩家腐贊監

龍駒鳳雛 玉昆金友 屬文與兄機齊名幼時吳尚

兄弟

十一

書閔鴻見而奇之曰此兒若非龍駒定是鳳雛
 錫為玉昆金友按鈴 洛下三嘏 汝南二應
 錫公衡錫字公嘏 魏志應劭字仲遠弟珣字季瑜生二子
 雅有粹字純嘏 魏志應劭字仲遠弟珣字季瑜生二子
 鴻成以文章顯 龍文驥子 龜駒王鴻 子景鸞明二
 師民四子長朋字龜父有詩百篇為郡舉首次芻字駒
 父第進士有詩千餘篇靖康中為諫議大夫次炎字玉
 父登第官至著作郎秘書少監次羽字鴻父元符末入
 黨籍遂終其身紹興中官其一子按師民娶黃山
 谷妹四洪皆山谷甥也俱有名潘邠老曾贈以詩 神
 思清發 大器晚成 弟知字子房貞潔有兄風為穎川
 太守平原管轄嘗謂人曰吾與劉穎川兄弟語使人神
 思清發昏不假寐自此之外殆白日欲寢矣 後漢書
 馬援字文淵三兄况余員並有才能王莽時皆為二千
 石援年十二而孤少有大志諸兄奇之嘗授齊詩意不

能守章句乃辭况欲就邊郡田牧况曰汝 濟世保家
 大器當晚成良工不示人以朴且從所好 濟世保家
 內潤外朗 荀靖與弟爽俱有才名或問汝南許章曰
 爽與靖孰賢章曰二荀皆 名相上下 表奏短長 盧
 玉也慈明外朗叔明內潤 名相上下 表奏短長 盧
 與兄爽名相上下而剛毅過之 唐書王維三遷尚書
 右丞弟縉為蜀州刺史縉在遠方願歸 令伯六龍 亮西
 有五長臣在蜀州刺史縉在遠方願歸 令伯六龍 亮西
 所任官放回田里使縉得還京師 令伯六龍 亮西
 三馬 龍 志李密字令伯六子皆英挺逸秀號曰六
 牧充西子廉為一篇酬答曰三馬皆白眉者也 一門龍
 贈休之總為一前涼錄辛攀字懷遠與二兄鑿曠弟寶
 友 二子鳳毛 迅皆以才識知名秦雍語曰五龍一門
 金友玉昆 金史鄭宏遠金源令二子京 兄弟
 子聘楊丘行嘗謂人曰金源二子鳳毛也 兄弟
 俱貴皆為郡縣 並作臺郎 漢書何武字君公蜀都郡
 人部 州監領利卷三十四

晉書祖遜字士雅范陽人與弟約將母詣洛交結
 人流遜舅程元良良弟收並臺郎州郡有勢于洛
 俱兩綬愧無一言漢書金日磾弟不使我與俱兩綬耶光對
 佩兩綬上謂霍光曰金氏兄弟不可使我與俱兩綬耶光對
 曰賞自嗣父為侯耳上笑曰侯不在我與俱兩綬耶光對
 拜帝之約非功不侯後漢書鄧曄字叔招安帝即位
 聞政事無拾遺一言以補萬分而久在禁省日惟益長
 罪責日深惟前後象州大小上郡南史夏侯夔為
 先經此任並有恩惠百姓歌曰前兄後弟布政優優
 馮立與兄野王相代為西河上郡太守民歌之曰大馮
 君小馮君兄弟繼踵相因循聰明賢知惠俱官八座
 吏民政如魯衛德化均周公康叔猶二君俱官八座
 皆登三品唐書開立本代兄立德為工部尚書兄弟
 六人至三品邠鄆凡為禮對管華近同為幕官
 部五吏部再唐興無有也

又曰温大雅遷黃門侍郎弟彦博亦為中書侍郎對管
 華近識者榮之高祖從容謂曰我起晉陽為卿一門耳
 官兄弟同幕時人榮之未幾同入為御史大小大
 夫兄弟節度王承宗救易宗表光進為將時先阿鐵氏
 至大夫故軍中呼大小大夫又曰涼國李愬自鳳翔
 隴右節度代其兄愿為武寧軍節度使弟兄交換徐岐
 鎮人復為立碑其側號棠棣碑刻碑市旁弟敦實又為長
 史所居第有梧桐涼師稱桐木韓家以別康公弟皆為宰
 子華為三相公兄草第麻弟書兄制希白惟演事錢
 持國為五相公兄草第麻弟書兄制希白惟演事錢
 有也惟演拜相希白當制世稱弟拜相兄草麻前代未
 符末魯公拜相山阜以學士草制對便殿以親嫌辭上
 云禁中已檢見韓維故事乃批旨云兄弟迭居詞禁兄
 行弟辭弟時羨三楊人稱七薛楊憑與弟凝凌皆
 草兄制弟時羨三楊人稱七薛有名大曆中踵擢
 人部

兄弟

百

進士第時號三揚 唐書薛播兄 三人輔相 一時

貴顯 韓獻肅終事見前 兄弟友恭類 宋史陳堯叟

名弟代兄 同時出守 唐書韋嗣立為萊蕪令 太宗

堪事陛下 卿兄弟在官 誠如父言 朕今以卿代兄 即日

郡太守 劉孝勝 詩曰 兩 同官兩省 繼美三司 唐書

杜昔夾河 龍今出守 同官兩省 繼美三司 裴寬

兄弟三人 皆擢明經 任臺省 張暉 贈開府 自稱仕

儀同三司 子履 唐書崔暉與弟澄 從兄准 並以文翰

宦 世羨顯家 居要官 每宴私 比東晉 王謝曰 吾一門

入仕歷宦 未嘗不為 第一丈夫 當先據要路 以制人 豈

能默默 受制于人 哉 孫簡 歷河中 興元 宣武 節度 而

弟範 亦為 滿青 節 豐至 詔書 對擁旄 節 唐闕 史左

度使 軒冕 之盛 近代 無比 伯仲 四人 咸登 顯列 乾符 初

母憂 服闋 渥 拜 陝西 觀察 使 治 除 給 事中 沆 除 左 拾 遺

治遷 監察 御史 詔 書 疊 至 及 赴 任 陝 郊 洛 城 朝 臣 以 下

設祖 庭 洛 城 為 一 空 都 人 聳 觀 巨 數 十 里 有 白 鬚 驛

如聲 指 曰 某 自 擁 篲 清 軒 五 十 載 未 嘗 觀 祖 送 之 盛 有

度使 時 嗣 復 鎮 西 川 乃 族 唐書 楊汝士 為 東 川 節

昆弟 對 擁 旄 節 時 人 榮 之 唐書 楊汝士 為 東 川 節

門二龍 及 族 兄 薛 元 敬 隋 名 世 號 河 東 三 鳳 收 為 長 離 德

音為 鸞 鷲 元 敬 年 少 為 雛 雛 武 德 中 為 文 學 館 學 士 杜

如晦 重 之 孔 帖 烏 承 玘 與 族 兄 承 恩 皆 為 先 鋒 沈 勇

門二龍 後 漢 書 蔡 邕 與 從 弟 鄉 里 同 稱 弟 居 四 十 餘 年 貴

產無 異 後 漢 書 蔡 邕 與 從 弟 鄉 里 同 稱 弟 居 四 十 餘 年 貴

同居 三世 不 分 財 鄉 里 高 其 義 念 平 生 語 思 自 全

計又 曰 馬 援 為 新 息 侯 從 容 謂 官 屬 曰 吾 從 弟 少 游 哀

外而吾留北足以為
三窟矣識者鄙之
封胡過末
龍子釋奴
世說謝

羣從只弟則有封胡過末按封胡謝詔小字過末謝淵

小字或曰封謂胡過謂元末謂龍一作胡謂淵過謂元

末謂龍隋書盧昌衡小字龍子從弟思道小字釋奴

宗中俱稱英妙故幽州為之語曰盧家千里釋奴龍子

越俗超塵 聯冠積笏 南史劉敬字彥度幼稱純孝

兄弟二人卜築鍾山有終焉之志劉孝標稱之曰詩超

超越俗如天半朱霞歎矯矯出塵如雲中白鶴皆歎歲

十人自興寧里謁大明宮冠蓋蟬聯歲時宴于家以

榻置笏猶重積其上林與弟太子詹事 升殿借榮

珪光祿卿瑤俱列祭號三載崔家 侍終日 吳志孫權

詞林同貴 又曰鄭善果詔與裴寂等十人每奏事得升

除孫宋景定進士至元間為學士弟陶孫亦登進士授

編修宋國史至宋德祐末年事陶孫曰臣嘗任宋宋是

年亡義不忍 原義兄弟小一月 侍終日 母謂權曰

書遂終不書 原義兄弟小一月 侍終日 母謂權曰

公瑾伯符同年小一月耳我視之如子汝可兄事之

蜀志關羽張飛為別部司馬先主與二人寢則同休恩

若立侍終日 廣 曾 兄事鄭僑 交權趙禹 史記孔子

產如兄弟終日 事子產 漢書張湯趙禹共定律令

務在深文禹至少府湯為廷尉交權湯兄事禹 原

兄弟不睦 小忿 私情 左傳兄事之弟畜灌夫 曾

有人倫盛名私情不協劬為 蜀志許靖與從弟劬俱知名

郡功曹排擯靖不得齒敘也 尋斧 散金 左傳宋昭

公子樂豫曰公族公室之枝葉也葛藟猶庇其根本故

相徧召昆弟散五百金 鞠子 友生 子書兄亦不念鞠

與之曰無復入偃之門 鞠子 友生 子書兄亦不念鞠

弟注言為人兄不念稚子之可哀大不 絕國 閱牆

能信友于弟 詩雖有兄弟不如友生 絕國 閱牆

兄弟之國 詩兄弟鬩于牆外禦其侮 奴畜 火攻

人部 詩兄弟鬩于牆外禦其侮 奴畜 火攻

史記衛青少時自平陽公主家歸其父使牧羊先
母之子皆奴畜之不以為兄弟相為下周伯仁事見前

相瘡 不協 詩不令兄弟交相為瘡 左傳 擁馬

寄牋 前燕錄慕容廆父涉歸分部而部馬鬪廆怒遣使

讓西移八千里廆後悔之遣乙那樓追謝之乃擁回

陰山而黃河後遷隴右 悲鳴西奔樓曰此非人事遂附

常輕浦詔人曰吾兄為文警如錦草舍聊庇風雨子

泊老兄得此全無用助爾添修五鳳樓 尋干戈 謠

粟布 左傳高辛二子長曰闕伯季曰實沈居于曠林不

可春一尺布尚不食而死人謠曰不相容 譬斷手

譏失教 弟又曰素譚欲攻弟尚王修諫曰此敗亡道也兄

秋鄭伯克段于鄆傳 **哭影堂** **泣家廟** 宋史王安國

石曰天下洵不樂新法恐為家禍安石不聽安國哭

于影堂曰家門減矣 朱子嘗言陳亭伯創經制錢時

泣于家廟以為勸止之罪祖宗將不祀矣 謗訕免官

輕侮損譽 甚任約疎常侍祖納初與弟約不睦中宗

有國士之形內懷凌上之性抑而使之可也若假其權

必為亂階中宗弗納遂以兄弟相謗免官及後約為

性至儉恪同母弟郁素無名稱輕侮之以此為損

升沉構怨 感悟為善 唐書劉仁軌既宦達其弟仁相

兄列籍每于縣祇奉戶課或謂之曰向狗尾底避陰邪

宋史王勣公有弟傲不可訓一日遇冬至祠家廟列百

壺于堂弟皆擊破之家人惶駭魏公忽自外來入見酒

流滿路不可行公無一言但攝 **飲乳輟爭** **噉棗中**

衣步入其後弟忽感悟為善

人部

兄弟

兄弟

兄弟

又曰韋元成兄弘為太常丞多罪過父賢為丞相以弘
當辭教令自免及賢病篤門下生橋賢令以元成為後
賢欲讓爵辟兄宣帝高其節欲成弟舉又曰許荆祖
舉武乃為孝廉以二分自取肥田疆奴婢鄉人皆稱二弟
別居乃割財為三分自取肥田疆奴婢鄉人皆稱二弟
未立所以自取大譏今理產所增三倍于前盜聲位二弟
一無不過從兄飯為吏不過從兄飯論其父因白寔寔曰
少遭飢亂實不敢季方難為弟論其父因白寔寔曰
妄過人食帝大笑季方難為弟論其父因白寔寔曰
元方難為弟盡與為傭錢鄭均諫不從乃為傭
得錢帛歸與兄曰物盡可復得為廉潔何減驃騎晉書何
坐賊終身捐棄兄感悟遂為廉潔何減驃騎晉書何
驃騎勸準仕準曰第五之名何投燭無忤世說周顛
愛過常弟萬困酒曰兄才不及弟橫得重名然僧彌
蠟燭投之顛神無忤徐曰阿如火攻誠出下策僧彌

難為兄世說王珉字季琰少有才藝名出詢之右語口
小字達逮憂樂又曰戴逵以武勇顯謝安問志業何如
逮答曰下官不堪其增腰鼓兄弟淡深沈懷文三子
憂家中丞與兄淡深名譽有優劣世號為腰鼓兄弟淡
深並歷御史中丞弘弟三人並為司直晉末所未有也
若蜂腰矣又曰周弘正幼孤及弟弘直為伯父捨所
賜似直善元理為當世所宗自稱有才能談諧似優剛
直方雅氣調高子大昆或問孰賢曰若蜂腰矣阿鴻
摩天光北史崔光悌之子阿鴻弱冠有箸述拜給事中
尚節義唐書李勣季弟感年十五有奇操李密敗陷于
能移友愛合丹仲丘為麟正殿學士兄弟友愛有羅
遺道者為巨麟合丹劑將分半以不問有無金史張
遺仲丘命刀中破之分銖無差焉兄弟

人部

附錄

兄弟

九

孝友任子悉先諸弟俸祿所得亦委其弟掌之未嘗問有無云

兄弟五

原詩漢拾遺書上留田行曰里中有啼兒似類親父子回車問啼兒慷慨不可止案上留田地名其地人不字孤弟鄰人作此以風之魏曹植贈弟白馬王彪詩曰謁帝承明廬逝將歸舊疆清晨發皇邑日夕過首陽伊洛曠且深欲濟川無梁汎舟越洪濤怨彼東路長修坂造雲日我馬元以黃鴟梟鳴衡軼豺狼當路嚮蒼蠅間白黑讒巧令親疎欲還絕無逕攬轡止踟躕秋風發微涼寒蟬鳴我側原野何蕭條白日忽西匿感物傷我懷撫心長歎息丈夫志四海

萬里猶比鄰何必同衾裯然後展殷勤倉卒骨肉情能不懷苦辛

曹子建七步詩曰煮豆燃豆其豆在釜中泣本是同根生相煎何太急

原晉陸機與弟雲詩曰有命自天崇替靡常王師乘運席卷江湘俯慚堂構

仰惟先靈孰云忍愧寄之我情昔我斯逝族有餘榮今

我來思堂有哀聲我行其道鞠為茂草我履其房屋存

人亡撫膺泣血灑淚彷徨 又詩曰伊我俊弟咨爾士

龍懷襲瑰瑋播殖清風非德莫勤非道莫弘垂翼東畿

耀穎名邦縣縣洪統非爾孰崇依依同生恩篤情結義

存並濟胡樂之悅願爾偕老攜手黃髮 又於承明作

與弟士龍詩曰牽世嬰時網駕言遠徂征飲餞豈異族
親戚弟與兄分塗長林側揮袂萬始亭南歸憩永安北
蕙頓承明 陸雲荅兄詩曰昔我昆弟如鸞如龍今我
友生凋俊墜雄華堂傾榱廣宅頽墉高門降衡修庭樹
蓬 又陸機贈弟雲詩曰行矣怨路長怒焉傷別促指
塗悲有餘臨觴歡不足我若西流水子如東峙岳慷慨
逝言感徘徊居情育安得攜手俱契闊成駢服 又陸
雲荅兄機詩曰悠遠塗何極別促怨會長銜恩戀行邁
興言在臨觴南津有絕濟北渚河無梁神往同逝感形
留悲參商衡軌若殊迹牽牛非服箱 宋謝靈運荅謝

惠連詩曰懷人行千里我勞盈十旬別時花灼灼別後
葉萋萋 謝惠連西陵獻康樂詩曰哲兄感此別相送
越桐林飲餞野亭館分袂澄湖陰悽悽留子言眷眷浮
客心迴塘隱艫柁遠望絕形音 謝瞻荅靈運詩曰華
萼相光飾嚶鳴悅同響親親子敦余賢賢吾爾賞比景
後先暉方年一日長菱葉愛榮條涸流好河廣 梁簡
文帝應令詩曰微軀多幸接萼嘉運紫幄承慈青襟稟
訓傍玉流温依蘭染薰百氏既洽六義乃擣辭河瀉潤
高論忘疲翠幕晨宇朱花夜池牕斜八綺燈懸百枝
又示晉陵弟詩曰零雨岐路悲送歸臨水節時事雖為

人部

謝靈運詩卷三十四

兄弟

舛離憂等閒別 昭明太子示雲麾弟詩曰白雲飛兮
江上阻北流兮山風舉山萬仞兮多高峯流九派兮
饒江渚上岵崑兮乃通天雲微蒙兮後興雨實覽歷兮
此名地故遨遊兮茲勝所爾登涉兮一長望理化顧兮
忽憶予想玉顏兮在目中徒踟躕兮增延佇 又示徐
州弟詩曰宴君晝室晴眺銅池三墳既覽四始兼摛高
宇既清虛堂復靜義府載陳元言斯逞 劉孝綽與虞
弟詩曰下邑非上郡徒然想二馮余慙野王德爾勗勝
鄉風望望餘途盡悽悽良宴終朝蔬一不共夜被何由
同 劉孝標冬日家園別陽羨始興詩曰四鳥怨離羣

三荆沈同處如今腰艾綬東南各殊舉且欣棠棣集彌
惜光陰遽黠吏本須裁豪民亦難御願勗千金水思聞
五湖譽 劉公幹贈從弟詩曰沉沉東流水磷磷水
中石蘋藻生其涯華葉紛擾溺采之薦宗廟可以羞佳
客豈無園中葵懿此出深澤 亭亭山上松瑟瑟谷中
風風聲一何盛松枝一何勁冰霜正慘悽終歲常端正
豈不畏凝寒松柏有本性 鳳凰集南嶽徘徊孤竹根
于心有不厭奮翅凌紫氛豈不常勤苦羞與黃雀羣何
時當來儀將須聖明君 梁世祖贈到溉到洽詩曰魏
世重雙丁晉朝稱二陸何如今兩到復似凌寒竹 唐

韋應物贈弟詩曰余解郡符去爾爲外事牽寧知風雨
夜復此對牀眠始話南池飲更詠西樓篇無將一會夢
歲月坐推遷 杜甫懷弟穎觀詩曰陽翟空知處荆南
近得書積年仍遠別多難不安居江漢春風起冰霜昨
夜除雲天猶錯莫花萼尚蕭疎對酒都疑夢吟詩正憶
渠舊時元日會鄉黨笑吾廬 又喜弟觀即到詩曰巫
峽千山暗終南萬里春病中吾見弟書到汝爲人竟荅
兒童問來經戰伐新泊船悲喜後款款話歸秦 待爾
嗔烏鵲拋書示鵲鴿枝間喜不去原上急曾經江閣嫌
津柳風帆數驛亭應論十年字愁絕始星星

原賦魏曹植建安十六年大軍西討馬超太子留監國
植時從焉意有懷戀遂作離思之賦在肇秋之嘉月將
曜師而西旗余抱疾以賓從扶衡軫而不怡慮征期之
方至傷無階以告辭念嗣君之光惠庶歿命而不疑欲
畢力於旌麾將何心而遠之願我君之自愛爲皇朝而
寶已水重深而魚悅林修茂而鳥喜 又釋思賦曰家
弟出養族父郎中伊余以兄弟之愛心有戀然作此賦
以贈之彼朋友之離別猶求思乎白駒況同生之義絕
重背親而爲疎樂鴛鴦之同池羨比翼之共林亮根異
其何戚痛別幹之傷心 晉陸機述思賦曰情易感於

已攬思難戢于未忘嗟伊思之且爾夫何往而不臧駭
中心於同氣分戚貌於異方寒烏悲而饒音衰林愁而
寡色嗟余情之屢傷負大悲之無力苟彼塗之信險恐
此日之行是亮相見之幾何又離居而別域觀尺景以
傷悲俯寸心而悽惻

原贊隋辛德源姜肱贊曰姜肱澹雅昆季遺榮同衾協
好比德齊聲戰勝而悅嘉遯以貞孤舟直邁卷跡滄溟
東晉庾統三人贊曰運溝屯凶三孤丞立離禽嚶鳴
邂逅同集式穀既熟和響具翕肇彼遠歧泯焉齊入
朱明張臣尉贊曰詩詠張仲今也朱明輜財敦友衣不

表形寡妻屏穢棠棣增榮臣尉邈然醜類感誠

原書吳陸景與兄書曰向訣不知所言追惟銜恨恨結
胸懷懷比戀恨何時可言望路則尚近別已千里其為
思結纏在心膺於是離析路人悲之況處至戚兼之懿
好情之感咽何時可勝念兄始出既當勞思嚴寒向隆
經塗軼軻既宜保德為世作資厚自珍愛 又與兄書
曰自尋外役出入三年緣兄之篤睦心時存之寶錄兄
書積之盈笥不得新命無以自慰時輒溫故以釋其思
有信勿忘數字每見手跡如復暫會 又答從兄安成
王書曰奉告清言溢目眷遠周委炎光已盛願此勝宜

仰承發止已次新林引邁務殷無妨怡賞三湘奧區九
疑形勝浮洲動浪聞暝鷗之舊說安流洞浦憶采若之
遺風昔景伯出蕃高風振古叔英之部清約見稱兄政
譽平宣威和兼濟加以夏石奇雲秋江迴月翰飛紙落
理豐詞賦賞末興餘時希遠憶睽離方遠川塗修曠炎
涼方改願加珍勗綠字可傳白雲終間心傷淚灑投筆
無宣 **增**陶淵明與儼等書曰汝輩稚小家貧無役柴
水之勞何時可免念之在心若何可言然雖不同生當
思四海皆兄弟之義鮑叔敬仲生財無猜歸生伍舉班
荆道舊遂能以敗為成因喪立功他人尚爾況同父之

人哉潁川韓元長漢末名士身處卿位八十而終兄弟
同居至于沒齒濟北汜稚春晉時操行人也七世同財
家無怨色詩曰高山仰止景行行止汝其慎哉

喪兄弟一

增詩曰死喪之威兄弟孔懷 禮曰兄弟之喪以親疎
為輕重 又曰兄弟之喪喪內除哀隨禮殺也 又曰
奔兄弟喪先之墓而後之家為位而哭 又曰孔子曰
兄弟吾哭諸廟

喪兄弟二

增禮曰公叔木有同母異父兄弟死問於子游子游曰

人部

禮記卷之四十九

喪兄弟

其大功乎狄儀有同母異父昆弟死問於子夏子夏曰
我未之前聞也魯人則為之齊衰今之齊衰狄儀之制
也 又曰成人有其兄死而不為衰者聞子臯為成宰
遂為之衰成人曰蠶則績而蟹有匡范則冠而蟬有綏
兄則死而子臯為之衰 曰劉紆早失母同產弟
平尚幼鞠育與同起臥及成人未嘗相離平卒紆哭泣
嘔血而死 世說曰王徽之與獻之俱病術人曰應終
而有生人樂代則死者可生徽之曰吾才不如弟請代
術人曰凡代死者已年有餘今君與弟算俱盡何可代
獻之卒徽之奔喪不哭直上靈牀坐取獻之琴彈之久

而不調曰子敬人琴俱亡因一慟而絕

喪兄弟三

原 灑血 含癰 陳業事詳兄弟 哀痛過期 子孫

侍宴 唐書趙弘智父事兄弘安俸祿歸之不敢私弘安

稱 為義士 哀若大喪 杜林事見前兄弟類 唐

留司東都聞講疾馳歸哀毀如大 周嵩辭弔 虞監

盡哀 晉書周顛被害王敦使人弔顛弟嵩曰亡兄天

號泣 唐書字文化及欲殺虞世基世南

喪兄弟四

原 如剡之痛 暮之喪如 暮年之服 後漢書馬援兄卒

人部 剡言痛也 行服暮年不離喪

所

馬稜心喪

馬稜字伯威少孤依從兄毅共居恩猶同產毅卒稜心喪三年

喪兄弟五

原詩宋顏延之除弟服詩曰徂沒離二秋淹泣備三冬佳辰緬難紀來算忽易窮升沒奄暮晦灑埽易禮容縞衣變余體長逝歸爾躬

原賦魏文帝悼夭賦曰族弟文仲亡時年十一母氏傷其夭逝追悼無已予以宗族之愛乃作斯賦氣紆結以填胸不知涕之縱橫時徘徊于舊處覩靈衣之在牀感遺物之如故痛爾身之獨亡愁端坐而無聊心感感而不寧步廣廈而踟躕覽萱草於中庭悲風蕭其夜起秋

氣憊以厲情仰瞻天而太息聞別鳥之哀鳴

原文晉潘岳為楊長文作弟仲武哀祝文曰悠悠上天我獨何辜祖考早世兄弟幼孤備嘗艱毒同集蓼荼父兮生我過庭靡聞母兮鞠我寧一苦辛日顧日復我弟我身並自垂髮越于成人濬哲聰朗純粹溫良烈烈清風邦族之望母氏劬勞庶爾之報彼蒼者天子何不弔殲我今弟窮泉是造無父何怙無弟何友孳孳此身哀哀慈母煩冤痛毒撫心思咎哀爾薄祐逢家多阻弱冠未室成年絕緒喪庭寥廬位無主冥冥長夜窈窕元宇當復何時見我仲武予以紉之于其王父魂而有靈

人部

前漢書卷之九

喪兄弟

神其寧處 又哭弟文曰視不見兮聽不聞逝日遠兮
憂彌殷終皓首兮何時忘情楚惻兮常苦辛

原啓梁簡文帝敘南康簡王薨上東宮啓曰方當逸足
長衢克固藩屏而峰摧壁毀一朝云及綱兄弟各從王
役東守西撫常願陪承甲館同奉畫堂預得西苑賦文
北塲旋食豈謂不幸獨隔昭世異林有悲飛鳴斯切伏
惟殿下愛睦恩深常棣天篤北海云亡騎傳餘藁東平
告盡驛問留書嗚呼此恨復在茲日 劉孝儀從弟喪
上東宮啓曰亡從弟遵百行無點千里立志同氣三荆
之友假寢十起之慈皆禮之于自然行之如俛拾自礪

宮陪宴釣臺從幸攀附鱗翼三十餘載茫昧與善一旦
長辭劔匿光芒壁碎符采躬搖神筆親動妙思雖每想
南皮書憶阮瑀行經北館歌悼子侯不足輩此深仁齊
茲舊愛

原書梁元帝答晉安王敘南康簡王薨書曰南康兄器
宇冲貴風神英挺魏之中山徒聞退讓晉之扶風雖號
師範用今方昔若吞夢雲及尋陽私疾孝感神明殆不
勝喪扶而後起猶冀天道可期豈謂福善虛說且分違
易久嘉會難逢綢繆宮闈不過統綺之事離羣作鎮動
迴星紀之曆志異雙鸞之集遽切四鳥之悲松茂柏悅

夙昔歡抃芝焚蕙歎今用嗚嘔

原祭文宋陶潛祭從弟文曰曰仁者壽竊獨信之如何斯言徒能見欺年甫過立奄與世辭長歸萬里邈無還期庭樹如故齋宇廓然孰云敬遠何時復旋 顏延之祖祭弟文曰闔棺窮野啓殯中荒靈影夙滅筵寢虛張人往運來自秋徂陽蕃蘭落色宿草滋長孰云不痛辭家去鄉爾之于役爰適茲邑上秋告來方春佇立如何不弔吉違凶集六親恫心姻朋浩泣我雖載奔伊何云及永懷在昔追亡悼存唯兄及弟瞻母望昆生無榮熾沒望歸魂今龜吉兆祖櫬東旋靈轅次路嚴舟在川廓

然何及痛矣終天

外祖孫一

增漢書曰王符字節信安定臨涇人也少好學有志操與馬融竇章張衡崔瑗等友善安定俗鄙庶孽而符無外家為鄉人所賤 晉書曰殷顛庾恒並是謝鎮西外孫殷少而率悟庾每不推嘗俱詣謝公謝公熟視殷曰阿巢故似鎮西于是庾下聲語曰定何似謝公續復云巢頰似鎮西庾復云頰似足作健否 陶淵明孟府君傳曰君諱嘉字萬年淵明先親君之第四女也凱風寒泉之思實鍾厥心謹按採行事撰為斯傳懼或乖謬有

人部

淵明傳卷三十四

外祖孫

虧大雅君子之德所以戰戰兢兢若履深薄云爾南
史曰劉顯字嗣芳瓚族子也父駿字仲翔博識強正名
行自居幼為外祖臧質所鞠養質既富盛恒有音樂質
亡後母沒十餘年駿每聞絲竹之聲未嘗不歔欷流涕
六帖曰周翼無託養在郤家

外祖孫二

曾述書

從學

漢書楊惲字子幼其母司馬遷之女也
惲始讀外祖太史公記頗為春秋以材

能稱好交英俊諸儒名顯朝廷又云遷死惲祖述其書
遂宣布焉唐書蔣又字德源常州人幼從外家學得
其書遂博覽

解其忿訟

誠以廣杏

後漢書樊重賞至
巨萬而嘉惠宗族

外孫何氏兄弟爭財重財之田一項解其忿
訟年八十餘終下見諸葛武侯誠外孫書

如虎

而冠

畫龍未成

漢紀呂后崩周勃盡誅諸呂而瑯琊
王亦從齊至長安大臣議欲立齊王

皆曰母家驕鈞惡疾虎而冠者也方以呂氏故幾致亂
天下今又立齊王是欲復為呂氏也南史蕭惠開思
話少子也初為祕書郎意趣與人不同比肩或三年不
共語其外祖劉光祿成誠之曰汝恩戚家子正應將迎
時俗緝外內之歡如汝自業將無少傷多異以取天下
疾患邪蕭曰人間宜相緝和誠如慈旨但不幸耿介取
作凡人畫龍未成當繩其祖皆踰其父晉書荀勗少
成是以多忤耳魏太傅曰此兒當及其曾祖唐書
楊於陵生子嗣復外祖韓滉撫其背曰名與位皆踰其
父此楊氏之慶嬉戲扶牀感歎自杖孫有攜有嬰
也困字曰慶門隋書皇甫績三歲而孤為外祖章孝寬
扶牀坐膝嬉戲歡爭又元集扶牀小女君先識應有
些些似外翁諸外兄博奕孝寬督以嚴訓縉感歎
命左右自杖孝寬聞而對之流涕于是博涉經史王
筠風韻素湛雅操為似外祖素察謂僕射張稷曰王

郎非惟額似素公風韻都欲相似稷曰素公見人輒矜
嚴王郎見人必娛笑惟此一條不能酷似晉書素甚
少知以雅操為外祖謝安 貴符相宅 恩遺補官 晉書
出貴甥元少孤為外家甯氏所養甯氏起宅相宅者云當
外氏成此宅相後舒位至三公而慧意謂應之舒曰當為
宏至中書論得罪純仁亦坐救黨人誨永州日疾失
明客至必令朴導以見時朴方七歲進揖應對如成人
客皆驚歎後以 純仁遺恩補官

外祖孫三

增中外之寶

梁書范岫字懋賓幼而學早孤事母以孝聞外祖顏延之早相題目以為中外之寶
汝家陽元 又曰陸任少為外祖張岱所異謂諸子曰此汝家陽元也 自稱家世
唐書溫造字簡輿上愛其才問家世及年造對曰臣五世祖大雅外五世祖李勣臣犬馬之齒三十有六帝奇

之

枕石漱流

南史顧協幼孤隨母養於外氏外從祖撫之曰兒欲何戲協曰兒欲枕石漱流永歎曰顧氏興于此子

外祖孫四

增詩唐杜甫詩曰爾為曾外孫個儻汗血駒 白居易

詩曰中郎餘慶鍾羊祜子幼能文似馬遷 宋王安石

贈外孫詩曰南山新長鳳凰雛眉目分明畫不如年少

從他愛梨棗長成須讀五車書

增文諸葛武侯誠外孫曰丈夫之志當存高遠慕先賢

絕情欲棄凝滯廣咨問除嫌吝雖有淹留何損于美趣

何患于不濟若志不強毅意不慷慨徒碌碌滯于俗默

人部 增 外祖孫

默束于情永窳伏于凡庸不免于下流矣

增記宋蘇軾記外祖程公遺事曰紹聖二年三月九日某在惠州讀淵明所作外祖傳云凱風寒泉之思實鍾厥心意淒然悲之乃記公之遺事以遺程氏亦庶幾淵明之心也 朱熹記外大父遺事曰外家新安祝氏世以貲力好善聞于州郡生業幾有郡之半時稱祝半州有諱景先者字二翁尤長者元祐黃太史嘗贊其畫像外大父其第二子也諱確字永叔特淳厚孝謹竊感陶公作孟府君傳及近世眉山蘇公亦述程公遺事不勝凱風寒泉之思書此以遺康國使藏于家時出而訓習

之以勵其子孫

舅甥一

釋名曰舅久也 又曰姊妹之子曰甥 爾雅曰母之舅弟為舅母之從父舅弟為從舅又男子謂姊妹之子為出謂我舅者吾謂之甥出出配他男而生 左氏注曰姊妹之孫為從孫甥 彙苑曰母之兄弟妻之父皆曰舅婦謂夫之父亦曰舅又舅者舊也謂老舅之稱甥女之子曰甥 詩曰既有肥牡以速諸舅 禮曰屬從者所從沒也亦服注屬從謂母雖沒亦為之服 又曰睦于父母之黨可謂孝矣黨親也 儀禮曰舅母之

昆弟傳曰何以服總從服也言從母服也又曰甥何以總報之也 檀弓曰從母之夫舅之妻二夫人相為服君子未之言也

舅甥二

禮詩曰王遣申伯路車乘馬我圖爾居莫如南土錫爾介圭以作爾寶往近王舅南土是保 左傳曰楚文王伐申過鄧鄧祁侯曰吾甥也止而享之驩甥聃甥養甥請殺楚子鄧侯不許三甥曰亡鄧國者必此人也若不早圖後將噬臍其及圖之乎十六年楚伐鄧滅之 又曰陳厲公蔡出也注姊妹之子曰出 又曰叔向欲娶

申公巫臣氏其母欲娶其黨叔向曰吾母多而庶鮮吾懲舅氏矣注言父多妾媵而庶子少媼母氏性不曠又曰晉侯曰康公我

之自出

注秦康公晉外甥也

東觀漢記曰黃香字文強年十二

家業虛貧衣食不贍舅龍鄉侯為作衣被不受 後漢

書曰范滂外甥西平李頌公族子孫而為鄉曲所棄中常侍唐衡以頌請宗資資用為吏滂非其人寢而不召資遷怒書佐朱零零仰曰范滂清裁猶以利刃齒腐朽今寧受笞死而滂不可違資乃止 晉陽秋曰王夷甫父又為平北將軍有簡書將免官夷甫年十七見所繼從舅羊祜申陳事狀辭甚俊偉祜不然之夷甫拂衣而

起枯顧謂賓客曰此人必將以盛名處當世大位然敗俗傷化者必此人也 晉書曰范汪少孤年六歲過江依外家庾氏荊州刺史王湛見之曰興范族者必此子也十三喪母居喪盡禮及長好學博識多通善談名理又曰習鑿齒與其二舅羅崇羅友俱為州從事及遷別駕以坐越舅右屢經陳請溫後激怒既盛乃超拔其二舅相繼為襄陽都督出鑿齒為滎陽太守 又曰姚興太史令高魯遣其甥王蒙隨劉藻送玉璽一紐並圖識祕文于慕容德 南史曰魚弘性豪侈李抗學其為人抗舅元法聞之杖抗三百 三輔決錄曰吉闕幼有

名九歲明尚書舅何邈死家貧子幼閑自造墳塋殯葬之 金史曰周昂大定進士其甥王若虛嘗學于昂昂教之曰文章工于外而拙于內可以驚四筵而不可以適獨坐可以得口稱而不可以得首肯

舅甥三

曾讀史 誦詩 梁書樂誦字蔚遠其舅雍州刺史宗慤嘗陳器物試諸甥姪時誦尚幼而所取

惟書慈由此奇之又取史傳各一卷授誦等使讀讀畢言所記謫略讀具舉慤益善之 北史楊暕字遵彥津子也小名秦王幼喪母曾誦舅源子恭子恭與之飲問曰汝比來讀何書恭曰誦詩子恭因曰誦詩至渭陽未信便號泣感嗟子恭亦對之歎歔遂為罷酒子恭後謂津曰嘗謂秦王貌不甚察慧從今以後更刮目視之
送渭陽 詠渚側 詩序渭陽康公念母也秦康公送晉文公于渭之陽曰我送舅

舅甥

氏口至渭陽何以贈之路車乘黃晉書殷浩甥韓伯
浩素賞愛之浩被廢徙東陽韓隨至徒所經歲餘還都
他人合貧賤親戚離因而泣下

討橫江詩注周宣王之舅申伯出封于謝尹吉甫作詩
德不立勸策歸取江東策因說術曰家有舊恩在東願
助舅討橫江橫江注云願

明使君定天下注云願得備彌甥自稱皇舅季康
助舅策之舅吳景也

諸夫人之宰其可以稱彌甥也有不腆先人之產馬使求薦
隋書呂道貴文帝從舅蕭勵愛甥季元託女陳江

也凡與人言自稱皇舅蕭勵愛甥季元託女陳江
總上歲而孤依于外氏性聰敏為舅半光侯蕭勵所鍾

愛謂曰汝神采英拔後來知名當出吾右我知君舊矣吾
季元為河陽節度使署充為牙將曰我知君舊矣吾
兒不才不足累卿二女方幼以為託後元沒充為嫁之

為營家產 悉給廩祿 于崇家乃與之立家產謂之

曰爾吾無間然矣惜殊宗而代疎命與其子同名冀無
以別也 裴守真因關中旱悉以廩祿奉姊及諸甥

等子子弟 倚為腹心 王義康所愛雖為甥舅恩過

子弟 唐書竇軌以甥為腹 選甥坐貶 抵舅致愆

又曰王涯居翰林其甥皇甫湜中選考覈之際以不先
言坐貶王師範舅殺入其家訴之師範曰法非吾敢

亂乃抵舅罪母志之師範立堂下日三 司空立嗣

四至不得見三年拜省戶外不敢進

環衛推官 唐書司空圖無子以甥為嗣常為御史所劾
詔賜一子五品官克勤他族開後日賣爵之端不可許詔

聽之遂 甚修甥禮 有似舅形 世說王子敬兄弟見
著于今

外甥禮及嘉賓死皆著高履儀容輕慢命坐皆云有事
不暇坐既去郝情慨然口使嘉賓不死跟輩敢爾嘉賓

名起惜子也 晉書桓豹奴是王丹陽外甥形似其舅
桓甚諱之宣武曰不恒相似時似耳恒似是形時似是

人部 舅甥

神桓逾

同為洗馬

薦用龍圖

史記漢汲黯字長孺

景祐中為太子洗馬本傳宋周濂溪少孤養于外家

八歲吟詩

五齡受傳

南史謝貞八歲嘗為春日閒居

風定花猶落乃追步惠連矣齊春秋劉瓛字珪沛人

及此

稱其器識

著厥聲名

乃應詹之祖舅詹為長

史謂之曰君器識弘深當代老于荆南矣劉瓛字

慶遜與弟琨字越石並為尚書郎郭奕之甥聲名著當

檀黎橘柚

玳瑁真珠

世說桓

中奕奕慶遜越石浴

得圖書

高名果風韻舉止頗與相類時稱曰無對日下

賢舅子敬恭曰補黎橘柚各有其美撫言皇甫松牛

僧孺之甥也怨舅不薦作謗詩曰夜頗如風韻盡

惟舅與甥朱梁時温韜盜發昭陵石函鐵匣中所得

前代圖書及二王真跡甚富後韜殛死其甥鄭元素盡

居廬山青丘谷中四十餘年入學以甥在宮稱舅

實抗母隋文帝姊安成公主也抗以帝甥早貴入太

學釋渴實抗歸長安高祖以兄呼之宮中稱為舅

自致公卿恩踰子姪識略過人當自致卿相曰是兒

王必乃李晟之甥武敢開騎射晟在師必嘗賜珊瑚

無不從晟視必與子姪等而給與過之

如睹珠玉助愷嘗以一珊瑚樹高尺許賜愷枝柯

扶疎第五舅河間邢晏每與言歎其高遠曰若披雲霧

朗觀珠玉宅相劉家月旦阿士文章南史齊王延

之奇良在比甥劉家月旦阿士文章南史齊王延

劉湛外甥並有早譽甚愛之曰韜後當為第一延之

為次也延之不平每致劍下都韜與朝士同列齊武聞

之與延之書曰韜與卿未嘗有別意當緣劉家月旦故

耶韜字長明裕元孫也又曰劉孝綽幼聰敏七歲能

人耶

舅甥

屬文舅王融深賞異之常與同載適親友號曰神童融每言曰天下文章若無我當歸阿士阿士孝綽小字也

可語孫吳

歎為曾蘭

唐書李靖字藥師其舅韓擒虎每與論兵法輒歎曰可與

語孫吳者非斯人而誰哉謝蘭安八世孫也五歲時每父母未飯乳姬欲令蘭先飯蘭曰既不見饑彊食終不進舅阮孝緒聞之歎曰此兒在家則曾子之流事君則蘭生之匹因名之曰蘭稍授以經史過目便能諷誦家緒每曰吾舅母親乳楊后詩咏周公后諱艷字瓊枝弘農人母天水趙氏早卒于舅家舅母仁愛親乳之使他人乳已子謝太傅劉夫人事見妒類

舅甥四

原王之元舅

詩不顯申伯王之

汾王之甥

詩韓侯娶妻汾王之

鄭傳宋鄭

白水之誓

舅氏同心者有如白水乃投其

鄭傳宋鄭舅也

白水之誓

舅氏同心者有如白水乃投其

璧于

衛原霍出

漢書霍去病

嚼棗哺之

表平丘

程末年

渭陽

酷似其舅

何無忌酷似

館字

渭陽

酷似其舅

其舅何無忌酷似

何無忌酷似

戲調

焉有此甥

後造其舅范甯甯曰卿風流馬望

其舅何無忌酷似

何無忌酷似

戲調

其舅

常攜就食

其舅何無忌酷似

何無忌酷似

戲調

子衛玠

常攜就食

其舅何無忌酷似

何無忌酷似

戲調

我甥

常攜就食

其舅何無忌酷似

何無忌酷似

戲調

州門

常攜就食

其舅何無忌酷似

何無忌酷似

戲調

存華

常攜就食

其舅何無忌酷似

何無忌酷似

戲調

舅甥

珠玉在旁

王濟

字武子衛珣之舅也僑爽有風姿 出羣之器 康伯清

見於數曰珠玉在旁覺我形穢 然有思理舅殷浩稱之曰康伯少自標置居 驅使草

小 王又曰衛江州在潯陽有知舊人投之都不料理惟餉

舅刻薄乃復 不畏疆禦 梁書領軍將軍張稷是陸杲

侍宴訴高祖曰陸杲是臣通親小事彈臣不貸高祖 鞠養之恩 協南史梁顏協幼孤養于舅氏陳郡謝暕暕卒

舅甥俱宦 唐書郝處俊事舅謹與 鄂莊賜舅 類

舅甥五 許圍師同里同官達

唐杜甫送舅錄事攝郴州詩曰賢良歸盛族吾舅 盡知名徐庶高交友劉牢出外甥泥塗豈珠玉環堵但

柴荆衰老悲人世驅馳厭甲兵氣春江上別淚血涓陽

情舟鷓排風影林鳥反哺聲永嘉多北至勾漏且南征

必見公侯復終聞盜賊平郴州頗涼冷橘井尚淒清從

役何蠻貊居官志在行 李白別從甥詩曰賢甥即明

月聲價動天門能成吾宅相不減魏陽元自顧寡籌略

功名安所存與爾俱飄泊此心難具論

原哀文晉孫楚和氏外孫道生哀文曰嗟爾道生和氏

之寶玉顏豐下曜于懷抱暮春而育孟冬而夭二十三

旬期于五日方之期頤百分之一命之修短始則有終

誰能長久與天無窮錢翁近千殤子幼沖俱反無形冥

舅甥

昧之中造化多少豈獨爾躬 又和氏外孫小同哀文
曰嗟嗟華朝生夕落爾命方之猶為淺薄暫有形質
尋及冥漠譬彼蜉蝣不識晦朔死尚未知生亦焉知爾
雖旬月我未之視萬物混焉天地一指杪未嬰孩安足
稱誄大人達觀同之一揆

淵鑑類函卷二百四十九

